



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>






600041807Q

32.

667.








**EPISTOLA**

**DE**

**EURIPIDIS PHAËTHONTE.**



EPISTOLA

DE

EURIPIDIS PHAËTHONTE,

QUAM

AD VIRUM CLARISSIMUM

CORNELIUM IACOBUM VAN ASSEN,

I, U. D. REGII CONSILII EXTRA ORDINEM SENATOREM,  
EQUITUM ORDINI A LEONE NEERLANDICO NOMEN  
HABENTI ADSRIPTUM, ET IN ACAD. LUGD.  
BAT. IUR. UTR. PROF. ORD.

SCRIPSIT

SEBALDUS IAN. EVER. RAU.

---

LUGDUNI BATAVORUM,  
APUD S. ET J. LUCHTMANS.

MDCCCXXII.

667.





**V I R O   C L A R I S S I M O**  
**CORNELIO IACOBO VAN ASSEN**

**S. P. D.**

**SEBALDUS IAN. EV. RAU.**

---

Quum vel aliquantum sedato horum temporum motu, vel intermisso, boni respirare, veteraque studia repetere posse videantur, redit mihi in mentem, Assene, Vir clarissime, eius quod olim tibi promisi: me quae de Phaëthonte Euripideo in commentariis inchoata haberem ordine perscripta ad te missurum. Sed hoc a me ne postules ut editoris munere fungar. Quod longe meas vires superat: nam etiamsi ea Phaëthontis loca quae apud veteres scriptores supersunt, cum reliquis Tragicorum huius generis reliquiis, doctissimorum virorum curam iam dudum experta sunt, et longiores huius fabulae partes, ex rescripto codice Claromontano nuper editas, feliciter, in magna scripturae obscuritate, Bekkerus, et inprimis Hermannus, Germaniae lumina, multis locis illustrarunt; multa tamen in iis superesse de quibus ulterius quaeri possit, si quis omnia ex antiquitatis et interiore linguae Graecae cognitione explicare velit, omnes

qui diligentius tractaverint fatebuntur. Spes etiam est, eum qui multum versaverit scriptores qui Tragicorum dictis frequenter utuntur, philosophos, grammaticos, aliosque, iam huius fabulae argumento, et, ut ita dicam, ambitu melius cognito, incidere posse in loca quae probabiliter ad eam referant, quum superiorum diligentiam et acumen fugere debuerint. Sed haec sunt uberioris, et quasi iam adultae eruditionis. Nos tantum hoc experti sumus, an ex iis quae ex Phaëthonte nunc habemus colligi possit, quaenam fuerit huius Tragoediae universa forma, quaenam partium descriptio; ut etiam hoc videamus, quo haec egregii operis tamquam fragmenta ordine disponenda sint. Versatus est in eodem argumento, ut scis, singularis ingenii vir, Goethius, in libro cui titulum fecit *Kunst und Alterthum*: vol. IV. part. 2. pag. 5, seqq. et vol. VI. part. 1. pag. 79, seqq. Cujus opera mihi uti non ante licuit, quam perscriptis iam iis quae mihi de hac re verosimillima videntur. Sed fortasse hoc melius fuit ad verum inveniendum: mente non praeoccupata inventis magni viri, qui in his ingenio magis indulsisse videtur, quam spectato Euripidis in caeteris superstitionibus fabulis digerendis artificio, quod in iis satis aequabile et constans apparet, diligenter quod verum esset investigasse. Neque tamen Tragici artem unice spectavi; sed, cum omnis mihi haec disputatio suscepta esset ut in literis Graecis aliquantum proficerem, etiam illa addidi, quae ut orationem

poëtae, vel temporis labe vel inscitia hominum quasi laceratam, integriorem praestarem, non inutilia videbar excogitasse. Te vero, si, quod opto, loquax haec epistola a gravissimarum rerum et tractatione et contemplatione ad literas, quas semper amasti, reditum tibi paraverit, in primis rogatum velim, ut, si meam de Phaëthonte sententiam tibi probavero, id mihi significes: sic enim, quum ad laudem optimarumque rerum studium, me semper horteris, ut te dignum est, beneficium tuum tueberis.



Antequam ad scenam te ducam, ut personas agentes loquentesque tibi ostendam, et per quamnam rerum vicissitudinem fabulam ad exitum deduxerit poëta, primum ipse quodammodo Prologi partibus fungar, ut qualem de Phaëthontis rebus traditionem secutus sit Euripides statim videas. Modo hoc in singulis ne quaeras quid ab aliis aliter traditum sit; quidque in fabula novaverit, quid aliunde acceperit Euripides. Longam moveres orationem, neque fortasse insuavem, sed extra huius epistolae argumentum, ut id circumscripsimus, proferendam. Id tantum dicam, auctorem quem maxime sequi potuerit Euripides, praeter Aeschylum in Heliadibus, et in primis Hesiodum, fuisse ut puto Pherecydem: qui apud Hyginum, fab. CLIV, ubi Phaëthontis fabula narratur, primus

Græcorum Eridanum nomine vocasse dicitur. Argumentum autem, ut inscriptio fabulae ostendit, est natalium Phaëthontis per infelicem illum et a poetis celebratum casum agnitio. Fuerunt tamen etiam qui fabulam *Clymenes* nomine celebrarent: more de quo dixit Valckenarius, Diatr. p. 16. C. Nam primae partes in ea tribuuntur Clymenae, Nymphae, Oceani filiae, mortali tamen, ut intelligitur ex chori verbis in fragm. Clarom. II. vs. 71. seqq. Hermannii: (Opusc. vol. III. pag. 7 — 21.) Prodit illa apud Euripidem nupta Meropi, Aethiopum regi: nam Aethiopiam scenae locum esse voluisse Euripidem patet ex Strabonis loco, qui, quamquam longior, describendus est, quoniam et prologi partem continet, et locum scenae qualem sibi finxerit Euripides diserte significat. Nam in Geogr. lib. I. disputatione instituta de Homérico illo versu quo bifariam divisi Aethiopes dicuntur, alii ad occasum siti, alii ad ortum solis; variis excussis sententiis, hanc tandem sibi maxime probari ait: (vid. pag. 58. A, et seqq. ed. 1707.) veteres, ut omnia ad Septentrionem sita Scythas, ad Occidentem Celtas, sic τὰ μεσημβρινὰ πάντα Αἰθιοπίαν vocasse. Firmat hoc primum Aeschyli loco ex Prom. Sol. ubi ille commemorat Χαλκονέρανθον τε παρ' Ὀκεανῷ λίμνάν παντοτρόφων Αἰθίοπων, τὴν δ' — Ἡέλιος αἰεὶ χρωτ' ἀθάνατον — θερμαῖς ὕδατος — προχραῖς ἀναπαύει: quae ad suam opinionem tuendam sic adhibet Strabo: παρ' ὅλον γὰρ τὸ μεσημβρινὸν κλίμα τοῦ Ὀκεανοῦ ταύτην πρὸς τὸν Ἥλιον ἔσχοντος τὴν χρεῖαν καὶ

τὴν σχίσιν, παρ' ὅλην καὶ τοὺς Αἰθίοπας αὐτοῦ φαίνεται;  
 quae extrema verba sine dubio corrupta sic legit  
 Casaubonus: παρ' ὅλον καὶ τοὺς Αἰθίοπας αὐτῷ εἶναι φαί-  
 νεται, vel omisso αὐτῷ: Tyrwhittus: παρ' ὅλον καὶ τ.  
 Α. ἀποφαίνεται.. Quum vero optimo meo, opti-  
 meque de me merito praeceptorī Bakio V. Cl.  
 quae in hac epistola scripsi probare cuperem, mi-  
 hi significavit sibi legendum videri, παρακαλῶ τοὺς  
 Αἰθίοπας αὐτῷ φαίνεται. Quod quin mecum pro vero  
 habiturus sis nullus dubito. Etenim hoc Strabō  
 animadvertit, Oceani plagam quae solem spectaret,  
 sive ad meridiem sitam, porrigi apud Aeschylum ad  
 extremum usque Occidentem: quippe qui mentio-  
 nem faciat loci ubi sol καματὸν θ' ἵππων ὕδατος (Ωκεανοῦ)  
 προχαῖς ἀναπαύει: in hac extrema autem regione etiam  
 Aethiopes commemorari. Pergit Strabo: "Ὅ τ' Εὐ-  
 ρυπίδης ἐπὶ τῷ Φαέθοντι τὴν Κλυμένην φησι δεθῆναι Μέρους

. . . . . τῆς δ' ἀνακτι γῆς,

ἣν ἐκ τεθρίππων ἄρμάτων πρώτην χθόνα

"Ἥλιος ἀνίσχων χρυσῆν βάλλει φλογί.

καλοῦσι δ' αὐτὴν γείτονες μελάμβροτοι

"Εὐ φαεννὰν Ἥλιου θ' ἱπποστάσεις.

Νῦν μὲν δὴ κοινὰς ποιῆται τὰς (leg: τινὰς) ἱπποστάσεις τῇ  
 τε Ἡῳ καὶ τῷ Ἠλίῳ· ἐν δὲ τοῖς ἐξῆς πλησίον αὐτὰς φησιν  
 εἶναι τῇ οἰκῆσει τοῦ Μέρους. Καὶ ὅλη γε τῇ δραματογραφίᾳ  
 τοῦτο παραπέμπεται, οὐ δήπου τῆς κατ' Αἴγυπτον Αἰθιοπίας  
 ὡς ὅν, μᾶλλον δὲ τῆς παρ' ὅλον τὸ μεσημβρινὸν κλίμα διη-  
 κούσης παραλίας. Primum quod hoc loco animum  
 advertit est usus non pervulgatus praepositionis ἐπὶ  
 in verbis ἐπὶ τῷ Φαέθοντι; in quibus, ut ex adscripta

notula patet haesitavit Xylander: adscripsit enim: » legi ἐν τῷ "; sed in libro habuit, ut videtur, ἐπὶ τοῦ. Utraque constructio praepositionis ἐπὶ in hac re non caret exemplis: cum tertio casu habet Philostratus, (in vit. Apoll. VII. 4.) τὰ ἱαμβεῖα, ἐπὶ τῇ Ἰνῳ τοῦ δράματι, ἐν ὧς ὁ Εὐριπίδης κ. τ. λ. Cum secundo Longinus, de subl. c. 15. ὅμοια τὰ ἐπὶ τῆς Κασάνδρας. Quod in sequentibus τινὰς pro τὰς legendum esse iudicavi ratio videtur suadere: nam communia esse stabula Solis et Aurorae apud Euripidem nihil ad Strabonem; sed fingi eiusmodi locum quemdam, eumque vicinum Meropis, (Aethiopum regis,) habitationi, ex eo manifestum est, poëtam ad extremum usque Orientem, in ora quidem terrarum ad solem versa, Aethiopes habitare credidisse: ut ex ipsius et Aeschyli testimonio quivis conficiat, vere hoc dixisse Strabonem, a veteribus τὰ μεσημβρινὰ πάντα Aethiopiam vocari. Facit autem Strabonis ratio ut in Euripideo loco ipsum Aethiopiae nomen requiram: itaque puto, per similitudinem proximi verbi Μέροπι, excidisse, et integrum Euripidis versum, quem Strabo describens turbaverit, talem fere fuisse,

Αἰθιοπίδος δοθεῖσα τῆςδ' ἄνακτι γῆς.

Ut Meropis nomen in Euripide huic versui praecesserit. Nam verba δοθῆναι Μέροπι in Strabone pro Euripideis habere nulla ratio nos cogere videtur, quamvis metro illigari possint: et vix dicas undependerit ille infinitivus, si, quod verisimile est, ut mox ostendam, ipsa Clymene hîc loquatur, ut

de verbo *πασι*, vel simili quodam ineptum sit cogitare. Participio etiam utitur de se ipsa loquens Andromache, in cognomine fabula vs. 4. Caeterum *Αἰθιοπίδος γῆς* nomine designatur etiam Aethiopia in fragm. Archelai II. ed. Matth. et in Aeschyli loco, quem cum Euripideo illo servavit auctor anon. de Nili incr. in edit. Herod. Wess. p. 788.

Aethiopum igitur regis, (ut huc redeam,) Meropis, Clymenaeque filius esse putatur in fabula Euripidea Phaëthon. Putatur quidem, nam Clymene sibi conscia est eum ex furtivo cum Sole concubitu esse natum. Etiam Merops suum esse retur, ut ciulatus ostendit, quem edit Phaëthonis morte comperta: (fragm. Clar. II, vs. 75. 77. Herm. = V, vs. 34. 36. Matth.) Quod si bene coniciamus Euripides haec fabulae praestruxerat: Meropem ultimi supplicii metu proposito vetuisse, ne Clymene de illa ex Sole origine Phaëthoni quidquam narraret, verentem ne iuvenis hac opinione imbutus plus quam mortalia adfectaret, et sic in poenas incurreret divinas. Nititur illa conjectura verbis fragmenti Clar. II, vs. 1 — 10. = IV, 1 — 10. Matth. quibus maximum timorem ostendit Clymene, ne Phaëthonis corpus, quod fulmine tactum esse certa indicia produnt, maritus videat: et illis quae cauit chorus, (fragm. Clar. II, vs. 71. seqq. Herm. = V, vs. 30. seqq. Matth.) quum id iamiam a Merope repertum iri intelligit:



Ὠκεανὸς Κέρα, (i. e. Clymene,)

πατὴρ ἴθι, πρόσπεσε

γόνυ λιταῖς, σφαγῆς,

σφαγῆς, αἰκτρά τ' ἀρκέσαι σῆς δευρᾶς.

Sed fingenda erat causa qua Clymene moveretur ut mariti edicto non obtemperaret: mihi autem hanc invenisse videtur Euripides. Parantur a Merope Phaëthonti nuptiae, quibus celebrandis ipse dies cuius primo mane fabulae actio incipit est destinatus: (vid. fragm. Clar. I, vs. 16. 51. seqq. 69. seqq. Herm. = II, vs. 16. III, vs. 10. seqq. 29. seqq. Matth.) Fecerit igitur poëta ob genus sponsae, (quam non mortalem, sed Deam esse intelligimus ex fragm. Clar. II, vs. 27. seqq. = IV, vs. 27. seqq. Matth.) conditionem a iuvene repudiari. Quid enim? Deae matrimonio iunctus, ipse mortali patre natus uxore minor, abiectus videbitur: quod Goethio etiam animadversum, (vid. libr. laud. pag. 10.) plane convénit cum recepta opinione de Phaëthontis persona, cujus superbia non minus nota quam aut Medae ferocia, aut tristitia Orestis, etiam apud Ovidium, (Met. lib. I. 757,) significatur; ubi sic de se ipse loquens inducitur: *Ille ego liber Ille ferox — tacui.* Porro fecerit Euripides secutum esse apud iuvenem ex ea causa moerorem soli matri animadversum, denique consilium clam e patria concedendi, ne aperte patri resistens pietatem laedat; cuius rei, ut in sequentibus indicabo, tenue quoddam vestigium in loco ex fabula superstite repe-

risse mihi videor : ita Clymenam filium, consolari cupientem, et in patria retinere, animum inducere, ut obedientiam quam ad illud usque tempus marito praestiterit violet, iuvenemque de vero suo genere certiores faciat. Ita, quod in Tragicorum arte summum censetur, neque culpa caruerit Clymene, nec tale quid admisit quod misericordiae viam apud auditores praecludere posset. Sed iam in ipsa fabulae actione haec spectanda proponebantur : quam igitur ut contexuerit poeta, iam singulas partes spectans, tibi ut potero enarrabo. Neque hoc tamen omittendum, quod ad totius rei intelligentiam multum facit, ad *διασκευη* pertinens : rem agi ante aedes Meropis, loco ad concionem habendam apto, unde prospectus late pateat in maris littus, in agros, et in omnem circumiacentem regionem. (vid. fr. Clar. I, 10. seqq. et 29. seqq. Herm. vel II, 10. seqq. et 25. seqq. Matth.)

Prologum, ut iam verbo significavimus nobis videri, agebat Clymene. Nimirum est hoc proprium Euripidis, ut de nulla re graviore auditores vel minimum tempus incertos, haerere patiatur; eos vero statim doceat genus, fata, consilia eorum, quorum personae in scenam procedent. Vidimus autem de natalibus Phaëthontis, in quibus hic summa res vertitur, nemo diserte ad spectatores dicere potuisse praeter ipsam Clymenam : nisi quis Deo, (de Sole tamen ne quis cogitet, nam fabula incipit ante lucem,) Deo igitur Prologi da-

tas esse credat partes: quod praeter necessitatem hic factum esse nescio cur statuamus. Itaque in principio primi fragmenti Claromontani Clymenam cum filio audimus loquentem: quae ad primam partem Tragoediae pertinere, quae agebatur choro in scenam nondum ingresso, ex Phaëthontis verbis in fine hujus sermonis manifestum est. (cf. Herm. ad vs. 1. l. l. pag. 7.) Clymene igitur, ut nos putamus, prima prodibat, demonstratisque acedibus Meropis, se, quamquam Oceani filiam, aiebat in illis habitare quippe

Αἰθιόπιδος δοθεῖσα τῆςδ' ἀνακτι γῆς,

ἦν ἐκ τεθρίππων ἀρμάτων πρώτην χθόνα

Ἕλιος —

caetera, quae in Strabone vidimus. Tum de filio narrare verisimillimum, paratisque nuptiis; se curis excitari, ne odio nuptiarum temere quid adulescens molliatur. Superveniebat matri Phaëthon: et, patefacto illo in exsilium abeundi consilio, sequebatur eius cum matre sermo, (cuius extremam partem in primo fragm. Clar. habemus,) quo se Solis filium esse tandem comperiebat. Quod apud Strabonem l. l. legitur: ἐν δὲ τοῖς ἐξῆς πλησίον αὐτάς (τὰς τοῦ Ἑλίου ἱπποστάσεις) φησὶν εἶναι τῇ οἰκίσει τοῦ Μεροπος, id igitur ex hoc colloquio petitum videtur, nam apud Ovidium etiam Clymena sic filium hortatur: (Met. I, 773 seq.)

*Nec longus patrios labor est tibi nosse penates:*

*Unde oritur, terrae domus est contermina nostrae.*

Phaëthontis personae hoc loco conveniunt, quod

video etiam Matthiaeum suspicatum esse, versus ab Eustathio ad Od. N servati, apud Matth. h. f. fragm. n°. XVIII.

Ἐλευθερός δ' ὢν δοῦλος ἐστὶ τοῦ λόγου,

Πεπραμένον τὸ σῶμα τῆς φερνῆς ἔχων.

Quibus, odium matrimonii in quo non sit coniugum aequalitas significans, etiam illos persequeretur, qui uxores sibi ditiores, dotem secuti ducerent. Illud πεπραμένον τὸ σῶμα expressit Iuvenalis; sed satirica, ut solet, et nimia verborum libertate. (Sat. I. 42.) Nec miraberis me Euripideae imitationis vestigia in Iuvenale quaerere, cui scis plurima ex rhetorum scholis adhaesisse: in quibus, propter orationem tam multis festive acutaeque dictis distinctam, non potuit quin Euripides perpetuo studio celebraretur. Hinc rursus multa Euripidea in oratoribus: quod multis exemplis confirmari possit. Sic, ut hoc utar, frequens est apud oratores antitheton, quo, cum quid in hoste laudent, eum casu, non virtute recte fecisse dicant. Vid. Andoc. de myst. p. 243. ed. Wechel. Isocr. Paneg. p. 165. ed. Batt. unde est apud Ciceronem in fine Catil. III: *ita me in rep. tractabo, ut meminerim semper quae gesserim, curemque, ut ea virtute non casu gesta esse videantur*: et pro Sull. cap. 30. *ego committam, ut ea quae pro salute omnium gessi casu magis et felicitate a me quam virtute et consilio gesta esse videantur*? Fons horum dictorum est in Andromache Euripidea, (vid. Andr. 321. seqq. Musgravii, i. e.

marginis interioris in ed. Matth. et sic semper Euripidis loco citavi :) ubi dicitur :

εὐκλεία δ' οἷς μὲν ἐστ' ἀληθείας ὕπο,  
εὐδαμονίζω· τοὺς δ' ὑπὸ ψευδῶν ἔχειν  
οὐκ ἀξιώσω πλὴν τύχη· φρονεῖν δοκεῖν.

In eodem Cicertone illa oxymora : *cum tacent clamant* : (Catil. I. 8.) *Etiam si tacent satis dicunt* : (Div. in Caec. cap. 6.) imitatione Euripidis dicta videntur, cujus haec sunt in Hippol. Coron. vs. 1089.

..... σαφῶς  
τὸδ' ἔργον οὐ λέγον σὲ μνησκει κακόν.

De prioris Hippolyti loco, (fragm. II. Matth.)

φεῦ, φεῦ! τὸ μὴ τὰ πράγματ' ἀνθρώποις ἔχειν  
φωνήν, ἢ ἦσαν μὴδὲν αἱ δεινὰ λέγειν.

cogitasse videtur in or. pro Coelio, cap. 22. *Quid expectatis amplius? an aliquam vocem putatis ipsam pro se causam et veritatem posse mittere?* Ubi vides recte Garatonum Ernesti coniecturam repudiasse, qui *aliam* pro *aliquam* inferre volebat. Sed haec si quis omnia colligere vellet iustam libri materiem praeberent : ad Phaëthontem redeundum est. Ex cuius persona etiam hoc loco prolatus videtur versus a Stobaeo, in Flor. tit. XL, servatus : (vid. fragm. XIV. Matth.)

ὥς πανταχοῦ γε πατρίς ἡ βίσκευσα γῆ.

Quo, ut nos putamus, exsilium cogitans matrem consolabatur. Exsilii certe mentione facta hunc versum in fabulam venisse et per se probabile est, et aliis versiculis in similem sententiam factis,

quos in quaestione de exsilio adhibitos videmus.  
Ut in Musonii diss. ὅτι οὐ κακὸν ἡ φυγή, apud Stobaeum eod. tit. laudantur item Euripidei versus :

ἅπας μὲν ἄνθρωπος αἰετῶν περάσιμος

ἅπαντα δὲ χθονὶ ἀνδρὶ γενναίῳ πατρίς.

Apud Aristophanem autem, (in Pluto, vs. 1151.)  
cum Mercurium servus interrogaverit :

τί δέ γ' αὐτομολεῖν ἀστεῖον εἶναι σοι δοκεῖ,

respondet Mercurius tragica gravitate :

πατρίς γάρ ἐστι πάσ', ὅν' ἂν πράττῃ τις εὖ.

quem versum a Teucro in exsiliū abituro, (vid. Horat. Carm. I. 7. 21. seqq.,) in scena prolatum esse, videtur colligi posse ex Ciceronis loco, (Tusc. Quaest. V. 37.) cuius l. c. meminit Hemsterhusius. Nota enim est Pacuvii Teucer, illustris imprimis in scena Latina fabula, ex Sophocle fortasse in multis expressa : (cf. Tusc. Quaest. III. 29) ex quo loco intelligitur, versus ex Sophoclis Teucro qui sunt apud Stobaeum, tit. CXXII. 10. ex Telamonis persona dici; duosque sequentes, qui sub Sophoclis nomine simpliciter leguntur, inter Telamonis et Oilei personas dividendos esse. Quodsi a Sophocle habuit Pacuvius illa Teucris verba a Cicerone laudata :

*Patria est ubicunque est bene :*

et Sophoclis est ipse ille versus quem non sine causa amara irrisione lusit Aristophanes : (quamquam Hemsterhusio Euripideus videbatur :) dicendum est, hoc Phaëthontis loco, cautiorem Sophocle fuisse Euripidem : videtur enim sententiam, quam

facile erat reprehendere, non ut a se profectam, sed ut ab aliis acceptam protulisse: quod intelligitur ex particula ὥς. Et tamen minus habent reprehensionis Phaëthontis verba quam illa sententia ab Aristophane aculeo confixa. Haec enim patriae caritatem tollit et omnia commodi sensu metitur: illa etiam sic accipi potest, ut quaevis terra dicatur in patriae nomen venire, modo praebeat unde vitam sustentare possimus. Quae solet esse oratio philosophorum exules consolantium, et, ne inopiae terrore debilitentur, benignitatem laudantium naturae, quae ubivis facile praebeat quod satis sit homini ad vivendum. Pertinent huc quinque Euripidei versus a Gellio lib. VII. cap. 16. et ab aliis veterum laudati: (vid. Matth. fragm. ino. Trag. n°. XIV.)

Ἐπεὶ τί δεῖ βροτοῖσι πλὴν δυοῖν μένων,  
Δήμητρος ἀκτῆς πώματός θ' ὕδρηχόου,  
ἄπερ πάρεστι, καὶ πέφυχ' ἡμᾶς τρέφειν;  
ὧν οὐκ ἀπαρκεῖ πλησμονή· τρυφή γέ τοι  
ἄλλων ἐδεστών μηχανὰς θηρεύομεν.

quorum tres priores habet Musonius in diss. laud. Quibus libenter eandem Phaëthontis ῥῆσιν continuaremus; sed video eos a clarissimo viro Geelio, in Comm. de Eurip. Telepho pag. 10. eadem fortasse probabilitatis specie ad Telephum referri. Sed, ut etiam alia, te quidem ut spero non invito, ad verborum proprietatem observandam pertinentia notaverimus, nescio cur hoc loco non item dicamus de exquisito usu verbi πάρεστι, (quod

Enripides adhibuit ut significaret parabilem usum rerum quae necessariae sunt ad naturam humanam sustentandam, ) notemusque eodem modo Latinos usos esse verbis *adesse*, et *non abesse*, de iis quorum copia semper praesto est, neque deficit. Uno exemplo defungar Virgilii, cujus haec sunt in Georg. II. 468.

. . . . . *at latis otia fundis ,  
Speluncae , vivique lacus ; at frigida Tempe  
Mugitusque boum , mollesque sub arbore somni  
Non absunt.*

Sermonis autem Phaëthontis cum Clymena exitus est, ut iam diximus, in codice Claromontano. Nimirum, quum adolescens voluntatem significaverit ad Solis regiam proficiscendi, ut matris dicta quam vera sint exploret, redeunt domum, tempus exspectantes quo Merops e cubili in publicum procedat, verba ad populum de Phaëthontis nuptiis facturus. Interea procedit chorus qui suavisimum carmen intercinit, laetum ortum diei dicens ad nuptias Phaëthontis destinati. Tum, concurrente populo ad regiam, prodeunt Merops et Phaëthon cum praecone: facitque audientiam praeeco Meropi, nuptiisque felicitatem precatur.

Verba Clymenes in hoc fragmento Clarom. I, vs. 1. seqq. ad filium haec sunt in ed. Herm.

Μνησθεις ὁ μοί ποτ' εἴψ', ὅτ' εὐνάσθῃ, θεός,  
αὐτοῦ τί χρεῖς εἶν' πέρα γὰρ οὐ θέμις  
λαβεῖν σε.

in quibus displicet illud ὅτ' εὐνάσθῃ nimis ut puto



abrupte dictum: et scripturam valde incertam esse in codice, patet ex apographo Hasiano, cujus exemplo Matthiaeus suam Euripidis editionem ornavit. Mihi legendum videtur:

μνησθεῖς ὁ μοί τοτ' εἴφ' ὅτ' εὐνάσθην θεῶ.

(cf. Ion, vs. 17. et 1505, ubi de eadem re sermo est.) Ut μνησθεῖς referatur ad Solem cuius nomen fuerit in antecedentibus; et hoc fere dixerit ad filium Clymene: » Solem adiens, sine timore, » (etenim exaudiet te, memor factus eius quod » mihi tum dixit cum rem habui cum Deo,) pe- » te etc. » In verbis αἰτοῦ τί χρήσεις ἔν reprehendit Matthiaeus illud τι, quod pro ὃ τι accipere non patitur linguae ratio. Legendum puto, quod cum ductibus literarum in codice convenit: λέγ', εἴ τι χρήσεις, ἔν. A enim et Λ, T et Γ saepe in codice discerni non possunt: de secunda litera dubitabat Hasius: tum in eius apographo non est O, sed Θ, quod in E videtur secunda manus mutare voluisse. Particula εἰ in hac locutione rem facit incertam et infinitam. Sic ad Iasonem Medea ironice: (Med. 1330.) εἰ δ' ἐμοῦ χρεῖαν ἔχεις, λέγ' εἴ τι βούλει. Id est, *quodcunque est quod vis*. In Phoeniss. vs. 1293, (sunt verba nuntii ad Iocastam:)

ἀλλ', εἴ τιν' ἀλκὴν, ἢ σοφοῦς ἔχεις λόγους,

ἢ φίλτρ' ἐπωδῶν, στεῖχ' ἐρήτυτον τέκνα.

non dubitat nuntius an haec adsint Iocastae in dolore materno praesidia; sed quaecunque ei sunt ea adhiberi vult. Verterem nostrum locum *unum quod cupis, quodcunque id est, dic*.

Ibidem vs. 7, quum Pliaëthon nondum *Phoebo parente superbus*, ut est in Ovidio, sed dubitans quaesierit a matre quî possit Solis regiam adire, et illa retulerit,

καίνοι μελήσει σῶμα μὴ βλάπτειν τὸ σόν.  
respondet, in ed. Herm.

εἴπερ πατὴρ πέφυκε, κοῖν ἄλλως λέγεις.  
In quibus εἴπερ est e coniectura Bekkeri pro εἴπει, quae verba, habita ratione scripturae in codice, paucis tenuissimis tantum ductibus inter se distant: κοῖν ἄλλως intulit Herm. pro eo quod Bekkerus legerat: οὐ καλῶς λέγεις, sed in apogr. Has. planissime scriptum est οὐ κακῶς, quod mihi servandum videtur. Κακῶς λέγειν est etiam, *temere et sine argumento dicere*. Vid. Heo. vs. 293.

Respondet Clymene:

σαφ' ἴσθι· πύση δ' αὐτὸ τῷ χρόνῳ σαφῶς.  
Sed verbum σαφῶς abest ab apogr. Has. neque satis placet post σαφ' ἴσθι. Idem non habet art. τῷ, sed planissime scriptum αὐτοῖς χρόνῳ, in quo putō esse corruptelam ab ipso librario qui codicem scripserit profectam. Fortasse sic legendum:

. . . . πύση δ' αὐτὸ σὺ χρόνῳ [μαθών.]  
αὐτὸ mihi hîc videtur quod Latine dicitur *ipsa res*, i. e. *verum*: ut, in formulis αὐτὸ σημαίνει et similibus, de quibus Valck. ad Phoen. vs. 626. Pronomen σὺ non otiosum est, sed vim addit affirmationi: ut in Suppl. 582. γνώσει σὺ πάσχων. Vid. etiam Heracl. 65: et in Alc. 1057. χρόνῳ δέ καὶ σὺ μ' αἰνέσεις ἴσως. Ubi vides etiam χρόνῳ sine articulo,

quod est *tandem*, *post longum tempus*: cf. Valck. ad Phoen. vs. 313.

Paulo post Phaëthon chorum in scenam procedere animadvertens ait: (vs. 10 seqq. Herm.)

. . . . . καὶ γὰρ αἶδ' ἔξω δέμων  
 δμῶαί περῶσιν, αἱ πατρὸς κοιμωμένου  
 σαίρουσι δῶμα, καὶ δέμων κειμήλια  
 καθ' ἡμέραν φοίβωσι κάπτωρίς  
 ὄσμαϊσι θυμῶσιν εἰσόδους δέμων.

Quorum versuum primo mallet legi πέδα pro δέμων. (vid. Hec. vs. 53.) Neque enim δέμων legitur in apogr. Has. sed sunt eius loco inexplicabilia quaedam: et, si hîc etiam stare patimur, saepius quam ferri potest recurrunt verba δῶμα, δέμων, δέμους: quo vitio etsi non omnino immunis est oratio Euripidis, non ille tamen id ubi vitari potuit quaesivisse putandus est. Pro verbo κοιμωμένου, quod ex coniectura reposuit Hermannus, literae quaedam sunt in codice, quarum valde incerta est scriptura. Bekkerus sibi legisse videbatur αἱ πατρὸς . . . τὰς γάμους: ex quo mihi in mentem venit Euripidem scribere potuisse: αἱ πατρὸς, ὡς εἰς γάμους, σαίρουσι δῶμα: (cf. Bacch. 454. Troad. 1209) puncto posito post δῶμα, ne male convenire haec videantur, ὡς εἰς γάμους et sequens καθ' ἡμέραν: nam sequentia adduntur a Phaëthonte, ut quas mulieres intelligat, descripto earum quotidiano ministerio, significet. Verba δέμων κειμήλια absunt ab apogr. Has. neque mihi τῶν κειμηλίων mentio satis commode hîc fieri videtur, quae non

sunt e rebus quas servi καθ' ἡμέραν φοίβωσι. Dicam quod sentio? Aquae ferendae ministerium hic commemoratum esse puto, ut solet in eiusmodi re. Vid. Andr. 166. Ion. 105, seqq. 145, seqq. 446, seqq. caet. Itaque totum locum sic fere scriptum fuisse puto:

. . . . . αἱ πατρὸς, ὡς εἰς γάμους,  
σαίρουσι δῶμα· καὶ [δρόσων προσχύμασιν]  
καθ' ἡμέραν φοίβωσι, κλέπτωρίοις  
ἄσματοι θυμῶσιν εἰσόδους ἄμυν.

Verba uncis inclusa addidi, non quod ita Euripidem scripsisse contendere velim, sed ut significarem in quem fere modum locum scriptum fuisse putem.

Carminis chori, quod vs. 19, seqq. sequitur quatuor priores versus in codice evanuerunt: duo tamen verba deleri non potuerunt, *κατὰ γὰρ*, ex quibus et ex sequentibus conficio, haec fere incoepisse ut illud Ionis carmen, (Ion. 82, seqq.)

ἄρματα μὲν τάδε λαμπρὰ τεθρίππων  
ἥλιος ἤδη λάμπει κατὰ γῆν,  
ἄστρα δὲ φεύγει πυρὶ τῶδ' αἰθέρας  
εἰς νύχθ' ἱεράν. —

cf. Archel. fr. II. vs. 5. Quamquam hīc sermo esse non potuit de sole orto, sed orituro; vel aurorae appropinquantis luce. Nam tenendum, quod etiam Goethius animadvertit, Phaëthontem ante ortum solis ad patrem proficisci: itaque quae in fabula praecedunt, colloquium Phaëthontis cum matre, hoc chori carmen, Meropis concionem, agi

ante hoc diei tempus. Neque necesse est ut cum Goethio dicamus, tempora hīc minus recte poëtae distributa esse: modo teneamus Phaëthonti non longum iter ad Solis regiam fuisse, quam, ut est in Strabone, finxit poëta πλησίον εἶναι τῇ οἰκῇ τοῦ Μέρου: choro enim in scenam veniente demum lucescere intelligitur etiam ex illis, quae in carmine sequuntur, de Philomelae cantu, deque exeuntium pastorum fistula; quibus idem diei, vel potius extremae noctis tempus etiam in Rheso significatur: ubi quum chorus dixerit: (vs. 536.) αἶώς δὴ πέλας αἶώς, mox addit (vs. 547, seqq.)

καὶ μὲν αἶω· Σιμβέντος  
 ἡμένα κοίτας  
 φωνίας ὕμνει πολυχχορδοτάτα  
 γήρυϊ παιδολέτωρ  
 μελοποιὸς ἀθανᾶς μέρμυεν·  
 ἤδη δὲ νέμονται κατ' Ἰδαί·  
 ποίμνια· νυκτιβρόμου  
 σύριγγος ἱὸν κατακοῦν.

Quae cum Phaëthontis loco ita conveniunt, ut alterius loci auctor alterum ante oculos habuisse videatur. Sed in hoc ipso loco de quo dicimus versus sunt qui sic ab Hermanno (vs. 27, 28.) editi sunt;

σύριγγας δ' οὐριβίται  
 κινούσιν ποίμνας ἐλαταί·

quod multum discedit ab apogr. Has. in quo est σύριγγας δ' αεστῖαν, sex literis extremis ut dubiis notatis. Ex quo alicui in mentem veniat Euripidem scripsisse: σύριγγας δ' ἔτ' ἐφίστιας, (cf. Soph. Trach.

207.) i. e. *prope a suis sedibus*, cum paene exierint pastores. Notandum autem est, ut hic est *κινῶσιν* sic verbum *movere* posuisse Ovidium, (Met. V. 112.)

*Sed qui, pacis opus, citharam cum voce moveres.*

In eodem carmine, (vs. 43, seqq. Herm. fr. III. vs. 2, seqq. Matth.) haec sunt apud Hermannum:

τὰ μὲν οὖν ἑτέροισι μέριμνα πέλει.

κῶμον δ' ὑμεναίων δεσποσύνων

ἐμὲ καὶ τὸ δίκαιον ἄγει καὶ ἔρωσ

ὑμνεῖν. —

quod in multis discedit a codicis scriptura. Ego haud scio an sic minus recte spernatur lectio *πέλει κοσμεῖν*, quam fere cod. exhibet; et an *ἔρωσ* minus conveniat servis ubi de dominis dicunt: (in cod. est *εαγει καιρων*.) Quare vide an sic legi possit:

κοσμεῖν· ὑμέναιον δεσποσύνων δ'

ἐμὲ καὶ τὸ δίκαιον ἔχει καὶ χρέων

ὑμνεῖν.

*χρέων* quidem, quod minus frequens in melicis non tamen inauditum, (vid. fr. Beller. XXVI. Matth. Soph. Phil. 143.) ut legi carminis satisfiat pro monosyllabo videtur sumendum, ut in Iph. Taur. 1498. Temen. fr. XV. Matth.

In praeconis verbis ad populum, (vs. 69, seqq. fr. III. vs. 29, seqq. Matth.) haec sunt ex coniectura Hermanni:

κηρύσσω δ' ὅσιν βασιλῆϊον

αἰτῶ δ' αἶσαν

εὐτεκνίαν τε γάμον

quod sic vertit: *Indico reverentiam regis, precor-  
que felicitatem et bonam prolem connubio.* In  
quibus haec reprehendit Matthiaeus: *δοσαν reveren-*  
*tiam, αἰσαν felicitatem* significare; tum Ionicam  
formam in -ήιος sibi ne in choricis quidem obser-  
vatam scribit. Mihi in Euripide huius formae  
nota sunt exempla, Bacch. vs. 412. ubi est *προ-*  
*βαρχήϊε*, et *φαιβήϊον* in Iph. Aul. 761. Ion. 470.  
nam *ποιμνήϊα* in Temen. fr. XVIII. (Matth.) con-  
iectura illatum est. Itaque de hac forma, quum  
distincte in cod. scriptum sit *βασιληϊον*, non de-  
terno; sed terminatio *ον* mihi nata videtur ex *οις*,  
quod etiam alibi in codice accidisse videbis confe-  
rens apogr. Has. fol. III. vs. 5. Porro quum in co-  
dice sequentia verba sic legantur *αὐτῷ δ' αὐδᾶν*, li-  
benter legam:

*κηρύσσω δ' ὁσίαν βασιληϊοῖς*

*αἰτῷ δ' αὐδᾶν*

*εὐτεκνίαν τε γάμοις.*

ut *δοσαν αὐδᾶν* hīc dicat poëta, ut in Herc. Fur. 929.  
*φθέγμα ὄσον*: et *κηρύσσειν αὐδᾶν* ut in Hec. 530. *κηρύ-*  
*σειν σιγήν*. Hoc igitur sacrum silentium simul et in-  
dicat populo praeco, et precatur ut sit in nuptiis  
regiis.

. Desinit primum fragmentum Claromontanum in  
primis Meropis ad populum verbis: sed ex unius  
versus particula quae superest, (— *εἰ γὰρ εὖ λέγω*,)  
intelligimus Euripidem, qui in Meropis persona  
egregie senis ἥθος servasse videtur; ut illa mitis  
sapientia, non sine quadam tarditate, in ea ap-

pareret: (quam personam saepius in tragoediis recurrentem Virgilius Latino etiam suo tribuit:)  
Euripidem igitur hīc instituisse unam ex illis orationibus in quibus occasionem captabat ad populum philosophandi. Et poterat sane Merops Phaëthontem suum videns iam ex adolescentibus excessurum et matrimonium initurum laudare disciplinam suam domesticam, multaque dicere de vitiis quae in adolescentia esse soleant, praesertim quum summo loco nata, et in omnium rerum affluentia, licentiam peccandi consecuta est. Itaque hanc fabulae partem locis distinctam fuisse opinor, quos in Florilegium recepit Stobaeus: alterum tit. XLIII. (Gaisf.) vid. Matth. fragm. XV.

ἐν τοῖσι μωροῖς τοῦτ' ἐγὼ κρίνω, βροτῶν  
ὅστις πατὴρ ὧν παισὶ μὴ φρονούσιν εὖ  
ἢ καὶ πολίταις παραδίδωσ' ἐξουσίαν.

alterum tit. XCIII. (vid. fragm. XVII. Matth.)

δεινὸν γε· τοῖς πλουτοῦσι τοῦτο θ' ἔμφυτον,  
σκαυώσιν εἶναι. τί ποτε τούτου ταῦτιον;  
ἄρ' ὄλβος αὐτοῖς ὅτι τυφλὸς συνηρεφέ,  
τυφλὰς ἔχουσι τὰς φρένας καὶ τῆς τύχης;

De utroque loco pauca dicenda sunt: neque enim carent difficultate. In primo quidem non post κρίνω, sed post βροτῶν interpungendum puto: βροτῶν τὰ μῶρα enim sunt *insaniae*, *stulte facta hominum sibi nimis indulgentium*: (cf. Troad. 996.) Quod sic ὅστις durius sequi videtur, est Graecum loquendi genus, quod in Euripide frequens est, ut relativum sit pro coniunctione: uti hoc loco ὅστις



pro αἴτις. Vid. loca quae habet Matth. Gr. gr. §, 481. not. 2. add. Med. vs. 223 seq. qui locus proxime ad nostrum accedit: nam plura colligere vetat Schaef. ad Poët. Gnom. pag. 186. Versu sequenti quod legitur πατήρ ὧν est ex coniectura Grotii, nam in Stobaei codd. legitur τῶν πατέρων, quod mihi ex glossa natum videtur hominis, qui videns de duplici auctoritate hîc sermonem esse, paterna et regia, id explicaverat, ad verbum ὅστις adscribens τῶν πατέρων, ut ad sequentem versum forte τῶν ἀρχόντων adscripserat. Neque tamen, fateor, mihi satisfacit Grotii coniectura, aut post verba πατήρ ὧν apte sequi videtur ἡ καὶ πολίταις, sed hac ratione requiri commune verbum quo potestas in liberos et in cives simul possit significari. Sed verius videtur, quod mihi Bakius v. cl. subiecit, τὸ πρῶτον, ut ἡ καὶ quasi τὸ δεύτερον sequatur.

In altero Stobaeano loco primum δεινόν γε, a Seidlerero sollicitatum, servandum puto, et per se stare ut ab indignante dictum: quod studiosus inprimis tragicæ dictionis Plato secutus est in Theaet. p. 195. B. ubi Socrates: δεινόν γε, ὃ θεαίτητε, ὡς ἀληθῶς κινδυνεύει καὶ ἀηδὲς εἶναι ἀνὴρ ἀδολέσχης. In Euripide quidem non sequitur ὡς, sed, ut in commota oratione, quae facile mutatur, infertur particula δὲ: quae est quaedam ellipsis, quam sedatius si loqueris sic licet expleas: δεινόν γε ὃ μὲν λέξω, ἐστὶ δὲ ἀληθὲς ὁ λόγος· ἔμφυτον τοῦτο τοῖς πλουτοῦσι, x. τ. λ. Eadem particularum γε et δὲ consecutio est in Iph. Aul. v. 752.

τὸ τῆς θεοῦ φίλον γ' ἐμοὶ δ' οὐκ εὐτυχὲς,  
ἐξιστορήσω εἰμ.

cf. ead. fab. v. 85. Ion vs. 278. Soph. Trach. 901.  
Caeterum illud δεινὸν in Latinis expressit Horatius :  
(Carm. I. 25. 19.)

*Durum! — Sed levius fit patientia*

*Quidquid corrigere est nefas.*

Extrema huius loci, de quibus varia est interpre-  
tum sententia, perturbata esse puto, et, ut sim-  
pliciter dicam, melius sic legi posse:

ἄρ' ὁλβος αὐτοῖς, ὅτι τυφλὸς, σνηρεφεῖ  
καὶ τῆς τύχης τυφλὰς ἔχουσι τὰς φρένας;

Quae sic verto: *an opes, quoniam caecae sunt,*  
*obscuritatem contrahunt illis, fortunae etiam cae-*  
*cam mentem habentibus:* In eiusmodi dictione  
καὶ valet etiam: ut in illo Alcmaeonis, (fragm. XI.  
Matth.)

φεῦ φεῦ, τὰ μεγάλα μεγάλα καὶ πάσχει κακά.  
et in hoc Euripideo: (fragm. inc. Trag. LXX.  
Matth.)

θητὸς γὰρ ὢν καὶ θητὰ πείσσεσθαι ὀκει.

nisi cum cl. Bakio ἐκ τῆς τύχης legendum est. Sed  
etiam illud superest, illa ὅτι τυφλὸς et τυφλὰς φρένας  
tam brevi spatio iungi, et idem fere bis dici: ut  
eodem monitore libenter legam in versu priore,  
ἔτι πυκνὸς: ut de magnis opibus poëta loquatur qua-  
si de densa quadam nube quae mentis divitum lu-  
mini officere videatur. (cf. Danaë fr. IV. Matth.)

Tertius etiam ad hanc Meropis orationem referri  
posset locus, item ex Stobaeo petitus, si consta-

ret ex Phaëthonte sumtos esse versus, quos in Florilegii titulo XLIII, proxime post sententiam quam modo ex eodem titulo descripsimus apposuit Stobaeus :

ναῦν ται μί' ἄγκυρ' οὐδαμῶς σῶζειν φιλεῖ,  
ὥς τρεῖς ἀφέντι, προστάτης θ' ἀπλοῦς πάλαι  
σφαλερὸς, ὑπὸν δὲ κάλλος οὐ κακὸν πάλει.

Quibus in fine concionis Merops Phaëthontem in regni societatem recipere potuit. Sed quum quivis videat hunc locum sensu iunctum non esse cum versibus de quibus supra diximus, sed magis ad plane diversam pertinere sententiam: ut apertum sit inscriptionem loci in Stobaei codd. periisse: quis igitur dixerit an versus ex Phaëthonte, vel omnino Euripidis sint? Non dicam duriores esse pro facilitate Euripidea constructionem: nam monuit me cl. Bakius ἀφέντι in ἀφείσαν, mutandum videri, ut sensus sit: *ut eam quae tres ancoras emisit.* Neque hoc argumento ut versus Euripidi abiudicentur abuti velim, esse in alia eiusdem poëtae fabula carmen in plane contrariam sententiam factum. Locus quem dico est in Androm. vs. 479 — 486: quos versus, vel philosophi locum inde expressum cogitasse videtur Cicero de Rep. I. 40.

Sequentia Poëtam sic constituisse ut, Merope ad sacra nuptialia paranda abeunte, Phaëthon, celato Rege ad Solem proficisceretur, ex superstitionibus fabulae partibus colligitur. Post horum discessum chori carmen auditum esse vix dubium est: quod, quum iam oriente Sole canebatur, eius

Dei laudes maxime videtur celebrasse. Quare huc mihi revocanda videtur splendida carminis particula, quam a Macrobio, (Sat. I. 17.) servatam in fragm. inc. Trag. n°. CLXXVII retulit Matthiaeus, etiam indicans sibi ex Phaëthonte petitam videri:

πυργενής δὲ δράκων ὅδον ἡγεῖται  
ταῖς τετραμέροισι ὥραις, ζευγνύς  
ἁρμονίᾳ πολυκαρπου ὄχημα.

Notandum certe, quod hic dicitur, Solem ὅδον ἡγεῖσθαι ταῖς ὥραις, idem fere dici apud Nonnum: qui, ut in rebus Bacchicis saepe Euripidis Bacchas expressit, (vid. Herm. Opusc. tom III. p. 141.) ita in libr. XXXVIII. Dion. ubi Phaëthontis historiam intexuit, nostram fabulam ante oculos videtur interdum habuisse. Sic autem molestus homo Solem facit loquentem: (pag. 978. vs. 27. ed. 1605.)

αὐτὸς ἐγὼ στεφανηδὸν ὅλον πόλον ἄρμασι τέμνω,  
οὐρανίων ἐλέων πολυκαμπέα κύκλα διώκων,  
μέτρα χρόνου πισύρησι φέρων κυκλούμενος ὥραις.

Et paullo post: (pag 980. vs. 12.)

καὶ τελέσας ἓνα κύκλον ὅλον λυκάβαντα κομίζω.

nisi forte illud λυκάβαντα κομίζω habuit a Virgilio, cuius haec sunt in nobilissimo Georgicorum exordio: (I. 5.)

..... *Vos o clarissima mundi*

*Lumina, labentem coelo quae ducitis annum.*

Qui etiam annuas vices, quas propter sol, quippe iter in orbem flectens, cum dracone apud Euripidem comparatur, ita expressit (Georg. II. 402.) ut similis species ei ante oculos fuisse videatur:

versum enim habet ita scriptum:

*Atque in se sua per vestigia volvitur annus.*

ubi vid. Intpp.

Sed ut haec incerta sunt, ita maiore cum probabilitate affirmare possumus, in eiusmodi carmine locum fuisse cuius meminit Diogenes Laërt. II. 10. scribens Euripidem χρυσίαν βῶλον εἶπεν τὸν ἥλιον ἐν τῷ Φαίθοντι. Quum enim saepissime solis mentio in hac fabula fieri debuerit, nescio cur propter Diogenis verba, cum Valckenario (in Diatr. p. 31. B.) in prologi locum, quem supra ex Strabone retulimus, minus ibi aptam lectionem inferamus; vel cum Matthiaeo (ad fragm. I.) Diogenem memoria lapsus esse suspicemur. Praesertim quum in loco Orestis, (982 seqq.), de quo putat Diogenem cogitasse vir doctissimus, non χρυσίαν βῶλον dicat poëta, sed ἀλύσει χερσέαισι φερομένην βῶλον: quibus saxum significat illud Tantali capiti impendens, quod ead. fab. vs. 6. memoratur. Quo saxo an Euripides per allegoriam solem intellexerit, quae fuit quorundam opinio, ut ait Scholiastes, alia haec est quaestio; sed Euripidem dicto Orestis loco solem non nominare satis est ut probetur, verba Diogenis de alio quodam loco accipienda esse.

Sequebatur post chori carmen, non multis ut puto intercedentibus, de Phaëthontis interitu narratio; quae fiebat sine dubio praesente Clymena: nosti enim morem Tragoediae, ut res in scena narrentur iis, quorum animus maxime ab eventu suspensus sit. Quis autem haec narraverit difficile

est decernere, quum rei ratio de uno ex Phaëthon-  
tis comitibus, ut solet in Tragoedia fieri, vix nos  
cogitare patiatur. Nulla enim verisimilitudine  
quemquam mortalium poëta testem fecisset eorum  
quae in Solis regia, et in coelo Phaëthonti acci-  
derant. Itaque Deum hîc locutum esse credo;  
fortasse unam ex Heliadibus, vel ex Nymphis Cly-  
menae sororibus. Sed quae ex ea oratione, ut ego  
puto, supersunt, ordine qui mihi maxime proba-  
bilis videtur, deinceps apponam, ut ad virorum  
doctorum coniecturas constituta exstant in Mat-  
thiaei editione.

(1) . . . . .

θερμὴ δ' ἄνακτος φλὸξ ὑπέρελλουσα γῆς  
καίει τὰ πόρρω, τ' ἀγγίβεν δ' εὐμαί' ἔχει.

(fragm. XI. Matth. vid. Valck. Diatr. p. 32.)

(2) . . . . .

. . . . . Βαρχίου φιλοσφίας  
Αἴθρα, πεπαίνοντ' ὀρχάτους ὀπωρεοῦς·  
[ἐξ οὗ βροτοὶ καλεῦσιν αἶνον αἴθρα.]

(fragm. inc. Trag. CLXIX. Matth. ex Athen. XI.  
p. 465, B.)

(3) . . . . .

. . . . . » Μὴ θέρης σὺν ἱμῶν  
» ἄπειρος ὦν ὧ παιδίον, μήδ' ἐς ὄψρον  
» ἀναβῆς, εὐαίνειν μὴ μαθῶν . . . . .

(fragm. VIII. Matth. ex Clem. Alex. Paedag. III. 2.)

(4) . . . . .

» ἔλα δὲ μοῖτε Λιβυκὸν αἰθέρ' ἐμβαλῶν  
» κραῖσι γὰρ ὑγρῶν αἶμα ἔχων ἀνῆθα σὺν

» κάτω δέσει . . . . .

. . . . .

» ἵει δ' ἐφ' ἑπτὰ πλειάδων ἔχων δρόμον."

Τοσαύτ' ἀκούσας εἴτ' ἔμαρψεν ἡνιάς,  
κρούσας δὲ πλευρὰ πτεροφόρων ὀχημάτων  
μεθήκεν· αἱ δ' ἑπτὰντ' ἐπ' αἰθέρος πτόχας.  
πάτηρ δ' ὅπισθε νῶτα σειραίου βεβῶς  
ἔππευε, παῖδα νοθετῶν· ἐκεῖσ' ἔλα,  
τῇ ῥα στρέφ' ἄρμα τῇ δὲ . . . . .

(fragm. IX et X. Matth. ex Long. π. ὑμ. cap. 15.)

(5) . . . . .

ὁ δ' ἄρτι θάλλων σῶμα διαπετῆς ὅπως  
ἀστήρ ἀπέσβη; πνεῦμα' ἀφείς ἐς αἰθέρα.

(fragm. inc. Trag. CXXVII. Matth. ex Plutarch.  
de def. or. T. II. p. 416.)

Primum locum, qui constat ex duobus versibus  
a Barnesio ex Stobaei ecl. phys. et ex Vitruvio  
collectis, a Valckenario vero emendatis, hīc inse-  
rendum putavi; quoniam quum in principio fabulae  
rogasset Phaëthon,

πῶς οὖν πρότειμι δῶμα θερμὸν Ἥλιου;  
et mater simpliciter respondisset,

κείνη μελήσει δῶμα μὴ βλέπτειν τὸ σὸν.

(fragm. Clar. I. vs. 5, 6.) ratio reddenda videba-  
tur quo modo Phaëthon Solis regiam ingressus non  
statim combustus esset. — Sequebatur sine dubio  
in narratione currus Solis descriptio, in quem pa-  
trem iam escensurum videns iuvenis fatali illa sibi  
cupidine flagraverat. Itaque subieci versus qui-  
bus, ut verba Athenaei demonstrant, unius ex So-

lis equis nomen et vim in anni tempestatem expresserat Euripides; Aethopa dicens, qui Bacchi florentis vindemias auctumni tempore maturaret. Secutus erat Euripides, (ut docemur ab Hygino, fab. CLXXXIII.) in eo quod singulis illis equis suam vim in tempestates adscriberet, Eumelum Corinthium, veterrimum poëtam historicum, ut appellat Ruhnkenius in Ep. Crit. II. p. 221. Is ἐν τοῖς κερυνθιακοῖς Medae historiam enarrans, Solis, cuius ea erat filia, res sine dubio attigerat. In nominis vero ab Eumelo excogitati ratione notandum, eum, ut solent veteres poëtae, proprium nomen fecisse ex epitheto; αἶθρα dicens qui suis ignibus quae tangeret αἶθρα facere putabatur: et sic Nonnus, p. 984. vs. 15. et p. 990. vs. 15. communi epitheto de Solis equis dixit αἶθρες ἵπποι: et Propertius (El. II. 12. 32.) scribens:

*Et citius nigros sol agitabit equos.*

idem nomen mihi videtur reddere voluisse. Est enim adiectivi αἶθρᾱ duplex vis: significat nimirum quod uritur adeoque splendet; et quod ustum est, et sic quodcunque est fusco, obscuro colore, qualis etiam est, de quibus hîc sermo est, uvarum, cum illas iam solis calor concoxit: hinc, ne quid omittamus, poëtae etiam ulterius progressi omnia αὐχμηρὰ, sordida, vel etiam infausta adspectu αἶθρα dixerunt: ut Hesiodus, Erg. 363. famem αἶθρα dixit: idque epitheton mihi etiam in Theog. 227. restituendum videtur; ubi pro

ΔΙΘΗΝ τε, λιμὸν τε, καὶ ἄλγεα θακρυβέντα,



legendum puto :

ΑΙΘΟΠΑ τε λιμὸν ἢ ἄλγεα δακρύνοντα.

Sed, quum horum nihil te fugiat, iam vides, quam absurdum, et ὕστερον πρότερον sit vini αἶθοπος dicti appellationem repetere a Solis equo *Aethope*: ut hoc inepti Grammatici commentum, sive Athenaeum deceperit, sive ex ipsis Athenaei verbis confictum sit, uncis notare ausus sim, ut Euripide indignum. Quem quantumvis Etymologiae studiosum, (vid. Valck. ad Phoen. vs. 27.) non tamen eo studio ita ablatum esse credo, ut in eiusmodi ad rerum magnitudinem composita narratione, ad talem *μικρολογίαν*, praesertim cum errore coniunctam descenderet. Antiquissimas in Euripide interpolationes, quarum multae histrionibus debentur, persecutus est Valckenarius ad Phoen. vs. 1286 et post eum Boeckhius in libro de Tragicis Graecis. Alteram in nostra fabula codice Claramontano antiquiorem esse infra ostendere conabimur.

Verba Clementis Alexandrini, ex quo tertius locus quem posuimus sumtus est, sunt haec: *μὴ θύγῃς ἡνιῶν, παιδίων, ἄπειρος ὢν, μηδὲ ἀναβῆς τὸν δίφρον ἐλαίνεω μὴ μαθῶν*: quae, cum aptissima Solis personae ad filium loquentis viderentur, iamdudum a viris doctis ad Euripidis Phaëthontem relata sunt. Sed quum consulto ligatae orationis numeros, ut saepe in Platone fieri videmus, Clemens solvisse videatur, quid in Euripide legerit difficile est dicere. Lectio quam praeceunte Matthiae posuimus

est Musgraviana: in qua nobis displicet *αῶν*, quod, πρὸς τὸ πίντων τοῦ μέτρου, ut ait Lucianus, illatum, paulo frigere videtur in commota oratione, qualis hîc debet esse Solis: tum ridiculum videtur, ad Phaëthontem dictum, παιδίου: nam apud Ovidium quidem est, (Met. II. 54.)

*Magna petis Phaëthon, et quae nec viribus istis*

*Munera conveniant, nec tam puerilibus annis.*

Sed Phaëthon Euripideus uxorem ducit: et Matthiaeus Musgravii lectionem laudans non videtur meminisse, quod ad fragm. Melan. V: ipse monuit: verbum παιδίου apud Sophoclem et Euripidem non legi. Mihi in extremis huius verbi ductibus latere videbatur vox ἰδῶ; sed quum multa mutare potuerit Clemens, ob causam quam dixi, et nihil occurrat quod certam veri notam habeat, quominus reliqua constituere coner verecundia prohibeor.

Sequitur nobilissimus, et laudibus a Longino eumulatus locus; quo habemus, post ultima Solis ad filium monita, Phaëthontis iam carrum paternum moderantis a patre discessum. In quibus vexatus inprimis est versus, quem Matthiaeum secuti cum Rutgersii coniectura dedimus:

πάτηρ δ' ὄπισθε νῶτα σερπαίου βεβῶς :

ἔκπευε —

nam ante Rutgersium legebatur σερπίου: cuius coniecturae favere videntur codd. Longini habentes σερπίου. Sed primum hîc notandum est, librarios saepe diphthongum ei pro simplice i inculcare: ut

in Orest. vs. 1705. est *Τυνδαρίδας* pro *Τυνδαρίδας* & *βασιλικού* pro *βασιλικού* in fragm. Polyīdi (II Matth.) quod in Diatr. p. 203. emendavit Valck. *χρυσείη* pro *χρυσείη* in fragm. Clar. (tab. III. vs. 26. in ed. Matth.), caet. Tum Solem in equo funali facere equitantem, quae est mens Rutgersii, Aristophaneae ioco mihi propius videtur quam Tragici gravitati: ut non mirer hanc coniecturam displicuisse viris doctissimis Salmasio et Toupio. Toupīi rationem cum Salmasio *Σειρίου* legentis, et locum sic interpretantis: *Pater autem pone, dorso canis sideris invectus, equitabat*: his verbis explodit Matthiaeus: » Quasi vero Sirius comitetur Solis currum, ut hīc pater filium! » Quibus responderi potest aliud esse *ἄποθ' ἰππεύειν*, aliud *comitari*; hoc de sidere soli vicino tantum dicas, illud etiam de eo qui in caeli paulo diversa parte locum habeat, sed cuius ortus solis ortum proxime sequatur: praesertim quum in rebus caelestibus versantes poëtae non semper summa diligentia uti soleant. Quid igitur si de stella in Canis maioris sidere, quam etiam hodie Sirium vocamus, cogitavit Euripides, eamque hoc versu paulo post Solem fecit orientem? — Erunt fortasse, qui astronomiam attigerunt, quibus hīc doctius fecisse poëta videatur quam vulgo suspicentur, et servare etiam voluisse traditionem, quā primi Phaëthontis fabulae conditores anni quoque tempus, quo res accidisset, significarant. Etenim notissimum est sub quovis climate unum esse anni tempus quē Sirii ortus

continuo solis ortum sequatur. Quodsi quaeris sub climate Aegypti superioris, sive Aethiopiae, ubi verisimile est fabulam Phaëthontis natam esse, in quodnam anni tempus hic Sirii ortus incidat, satis erit sphaeram inspicere; videbis tempus fere esse quum sol ingreditur sidus Geminorum: cui sideri proximum esse Aurigae signum, quem quidam Phaëthontem esse aiunt, etiam notandum est. Atqui mirifice cum his convenit apud Euripidem oratio Solis ad filium:

ἔτι δ' ἐφ' ἑπτὰ Πλειάδων ἔχων ὄρμον.

Nam in illo motu quo sol cum toto caelo quovis die circumfertur praecedit Geminos in Zodiaco Tauri sidus: itaque Phaëthonti Solis currum cum Geminorum sidere orientem agitaturo viam quasi praemonstrabant Pleiades, quae sunt in Tauro insignes. Quae igitur omnia, quum fortasse non ita fortuito conveniant, mihi pro lectione Σείριου videntur dici posse. Sed quid, si non nomen proprium fecit Euripides: (quamquam in Hec. vs. 1102. sine dubio est proprium; etsi de Iph. Aul. vs. 7. rem incertam fecit Bremius in Mus. Helv.) et de quovis astro lucidiore locum accipi voluit? Nam Σείριος illam omnium lucidissimam stellam eximie dici, uti etiam τὸ ἄστρον dicitur, in usum venit quum origine σείριος nomen sit quo omnia astra possint significari: quum sit adiectivum a σείρ, barbarae originis solis nomine; itaque apud veteres poëtas vel quodvis illustre sidus, vel etiam solem significat: vid. Graev. in lect Hes. p. 47.

Ut mirum non sit etiam pro adiectivo sumi a Virgilio, (Aen. X. 273.) ubi scripsit *Sirius ardor*: et videndus est ad h. l. Heynius. — Satis videtur dictum ut habeat lectio *σειρίου* quo se tueri possit, et videamur posse Rutgersii illum equum funalem *solvere senescentem*. Neque tamen necesse videtur ut cum Toupio tam presse interpretemur: *pater — dorso canis sideris invectus*: nam Solem Canis sideris, vel cuiusvis tandem sideris dorso insidere non minus ioculare mihi videtur quam equus funalis Rutgersii; sed dicendum potestas verbo *νότα* interdum abuti. Sic in Troad. vs. 375, legimus: *ἀπῆνας νότοισι φέρη*, quod si vertas, *currus dorso veheris*, ridiculum sit. Ut *σειρίου νότα βεβώς* simpliciter vertendum videatur *Sirio vectus*: idque intelligendum, ex opinione veterum; *Sirii equis vectus*. Veteres enim non tantum Solem et Lunam, quod notissimum est, sed omnia astra, et omnino *μετέωρα* sibi fingeant currus, quibus Diū veherentur. Vid. Heyn. ad Virg. Aen. II. 418. Cuius opinionis vestigia etiam sunt in Euripide, ut in Troad. vs. 861. seq. Et in fragm. ap. Hephaest. de vs. asyn. (inc. Trag. n°. CXCVIII. Matth.)

*ἔως ἡνίχ' ἵππους ἐξέλαμψεν ἀστήρ.*

etiam *ἵππους*, ex heroici temporis more, intelligendum de eo qui currum moderatur. Ut locus, de quo dicimus, fere non plus habeat offensionis quam si scripsisset Euripides:

*πάτηρ δ' ὅπισθεν ἄρμα Σειρίου βεβώς*

*ἵππους —*

quamquam erunt fortasse qui sic Euripidem scripsisse existiment. Sed non reticeo si in locum tam longe librariorum captum superantem istorum hominum error ceciderit, quod admodum probabile est, aliam mihi emendationi viam apertam videri; modo statuamus nomen *σείρας* ut adiectivum ab Euripide positum esse. Quod si verum est, duabus tantum literis mutatis, exhibit lectio quam Euripide indignam non putamus:

πάτηρ δ' ὅπισθε νότα σείρι' ἐμβεβώς

ἔπνευε.

Non enim νότα σείρια minus bene dictum puto ab Euripide quam ἔσπερα νότα in *Electr.* vs. 735. et idem significat quod ἀστεροειδία νότα in *Androm.* fragm. I. Matth. Qui locus describendus est, est enim elegantissimus, ut libenter legas; et mirifice cum nostro loco, qualem hîc fuisse nobis fingimus, convenit. Est autem huiusmodi:

ὦ νύξ ἱερὰ,

ὥς μακρὸν ἔπνευμα θιώκει;

ἀστεροειδία νότα θωρεῖουσ'

αἰθέρος ἱερᾶς,

τοῦ σεμνοτάτου δι' Ὀλύμπου.

Ultimo loco non sine argumento, ut opinor, ad nuntii orationem retulimus versus quibus Plutarchus utitur ad fragilitatem humanae conditionis universe significandam; sed quibus propriis imprimis usus videtur poëta in exitu Phaëthontis describendo. Fulmine enim correpti, in immant casu, vitam simul cum flamma extinctam egregie

significant illa :

ὁ δ' ἄρτι θάλλων σῶμα, (vel σαρκὰ, ut alibi habet Plutarchus) διαπετὴς ὅπως

ἀστὴρ ἀπέσβη, πνεῦμ' ἀφεῖς ἐς αἰθέρα.

Et opinioni probabilitatem etiam hoc conciliat : alterum locum, ubi sic verbo ἀπέσβη de moriente utitur Euripides, in eodem genere mortis exprimendo versari : est enim in Medea, (vs. 1227.) de Creonte magicis Medae ignibus consumto :

χρόνῳ δ' ἀπέσβη καὶ μετῆχ' ὁ δῦσμος

ψυχῆν. —

Et eodem fortasse verbo usus erat de Meleagro simul cum fatali titione extincto; de quo Ovidius, (Met. VIII. 523.) loco in quem plurima Euripidea videtur transtulisse :

. . . . Simul est extinctus uterque :

Inque leves abiit paulatim spiritus auras.

Sed verba διαπετὴς ὅπως ἀστὴρ in ipso de Phaëthonis morte loco expressit : (Met. II. 319 seqq.)

At Phaëthon, rutilos flamma populante capillos,

Volvitur in praeceps, longoque per aëra tractu

Fertur; ut interdum de caelo stella sereno.

Valckenarius, qui in Diatr. p. 56, seq. locum Plutarchi unde haec sumta sunt emendavit, ultima sic constituit :

. . . . πνεῦμ' ἀφεῖς ἐς αἰθέρα

μαρὸν δὲ σῶμα. (pro μικρὸν.)

docens sequentia verba in Plutarcho, quibus viri docti verum supplerant, ipsius Plutarchi esse. Quodsi vero haec, ut mihi videtur, ad Phaëthon-

tis casum pertinent, fortasse Euripides scripsit: πέδονδε σώμα. (Soph. Trach. 789. eamdem habet Homericam formam; πέδθεν est apud Eurip. Troad. 98.) Videtur enim cui haec in verbis oppositio, (τὰ μὲν ἐς αἰθέρα, τὰ δὲ ἐς γῆν,) inprimis in hac re placuerit, hīc sponte eam cogitare debuisse. (Cf. loca a Valck. ibid. pag. 55, seq. citt.)

Erunt fortasse qui hīc nos omisisse putent versus particulam ex Euripide laudatam a Grammatico in Anecd. Bekk. vol. I. p. 362. (fragm. inc. Trag. CCXLVIII. Matth.)

δράκοντος αἱματωπὸν ὄμμα —

nam ita legendum esse pro αἷμα eo minus dubito, quod video id etiam Boissonadio placuisse. Potest enim dictum videri de draconis coelestis ira in Phaëthontem sine more per coelum vagantem, de quo etiam apud Ovidium est, Met. II. 173, seqq.: nam αἱματωπὸν ὄμμα dicitur de oculis quum, ira, vel quovis vehemente animi motu calente, sanguine implentur, et turgent. Sic αἱματηρὸν ὄμμα est in Iph. Aul. vs. 381: res autem pluribus verbis describitur in Herc. Fur. vs. 935. et Tragico- rum rursus sermonem imitatus Virgilius, (Aen. IV. 643.) *Sanguineam volvens aciem dixit. Eamdem rem alio verbo significavit Cicero, (or. in Vatin. c. 2.) ubi dicit: Repente enim te, tanquam serpens e latibulis, oculis eminentibus, inflato collo, tumidis cervicibus intulisti. Sed mihi ex omni illa Phaëthontis per signa caelestia errantis, et secutae totius mundi conflagrationis ambi-*



tiosa descriptione, in qua Ovidius et Nonnus sibi placuerunt, nihil in Euripide fuisse puto. Etenim absurdum esset, Meropem, quem paulo post, ut est in fragm. II. Clar. vs. 32. seqq. in sacris nuptialibus occupatum in scenam redire videbimus, nihil in tanta naturae rerum conversione sensisse; nihil, ne ominis quidam causa, timuisse. Itaque ne fulminis quidem strepitum, ut putat Goethius, qui caeterum hic mecum facit, (l. l. pag. 26. seq.) a choro auditum esse credo: in Euripidis autem narratione iuvenem, vix coelum invectum, animo turbatum, et fulmine tactum esse; et sic patrem continuo currus moderamen recepissee. Etiam sic apud Nonnum, (p. 990. vs. 8.) statim Iupiter, iacto fulmine,

ἵππους ἡελίῳ πάλιν ὤπασεν, αἰθέριον δὲ

(\*) αὐτολήν πῶρεν ἄρμα —

et Lucianus, (Dial. fab. 12) rem ut solet in iocum vertens, sic Iovem facit ad Solem loqui: σὺ δὲ συμπηθέμενος τὸ ἄρμα, κατέαγε γὰρ καὶ ὁ ρυμὸς αὐτοῦ, καὶ ἄτερος τῶν τροχῶν συντέτριπται, ἔλαυνε ὑπαγαγὼν τοὺς ἵππους. Sed sunt quaedam hoc loco quae maiore cum verisimilitudine ad Euripidem possent referri, ut a Luciano per iocum in suum sermonem ex Tragoedia translata. Euripidea certe mihi quaedam

---

(\*) Verbum in lexica quantum scio non receptum, ex αὐτός, quod hic idem valet atque in αὐτόματος, et subst. λίαν, i. e. vis, impetus, ex quo in usu remansit adv. λίαν.

videntur in his quae de Phaëthonte dicuntur ὁ δὲ, παῖς γὰρ ἦν, ἐπιβαὶς τοσούτου πυρός καὶ ἐπαιύψας ἐς βάθος ἄχανές ἐξεπλάγη, ὡς τὸ εἰκός : ubi vero Iupiter ad Solem ait : εἴσῃ ὁπόσων τοῦ σοῦ πυρός ὁ κεραυνός πυρὼ-δέστερος, iam Euripidem mihi audire videor :

. . . . . ἔγνω δ' ὅσων

πυρρόστερος κεραυνός ἐστίν Ἡλίου πυρός.

utriusque certe loci vestigia sunt apud Ovidium. (Met. II. vs. 178 seqq. et 313.)

Clymenam, audito nuntio de interitu filii, in scena dixisse, — *quaecumque fuerunt In tantis dicenda malis*, perpetuus Tragoediae mos dubitare nos non sinit. Sed puto eius querelis interpositum fuisse carmen chori, egregium si unquam Lyrici carminis argumentum nacti. Quod fieri potuit Clymena viribus deficiente, ut in cognomine fabula Hecuba : (vid. vs. 438 seqq.) Versus certe quos superstites habemus, a Clymena mortuo filio prolatos, eius generis sunt, ut orationi conveniant illius in quo iam acerrimi primi doloris stimuli conquieverunt. Qualis affectus quidem plena sed quietior oratio post chori carmen optime sequi potuit. Versus de quibus dico servavit Plutarchus : hos quidem, in Cons. ad Ux. p. 608, commemorata Clymenae persona : (vid. fragm. VII. Matth.)

. . . . . μισῶ δ' \* εὐάγκαλον

τάξουν κρανείας, γυμνάσια δ' οἶχεται [μοι.]

sequentes vero diserte significans a Clymena in mortuum Phaëthontem dictos esse : (Sympos. p. 665.

vid. fragm. VI. Matth.)

..... φίλος δὲ μοι  
ἀλλ' αὐτός ἐν φάραγγι σήπεται νέκυς.

Priore loco putat Matthiaeus Clymenam dicere de suis exercitationibus quas post mortem filii omis-  
sura esset. Sed haud scio an nulla mulierum gym-  
nasia nota sint praeter illa puellarum Laconica-  
rum, acerbissimis verbis ab Euripide reprehensa  
in Androm. 596 seqq. Et ex Plutarchi verbis  
confici potest, de quibus hîc dicitur Phaëthontis  
esse μνήματα, quae ut dolorem adspectu renovan-  
tia matri odio esse coepissent. Itaque Heathius,  
a quo etiam est *μῶ* in fine secundi versus, lo-  
cum, quem metrum corruptelae arguit, supple-  
vit *μισῶ δὲ τοῦδ'*. — Sed potuit, ut opinor *δεικτικῶς*  
dictum esse in ipsum arcum, qui, more tempo-  
rum heroicorum, ante aedes fixus visebatur, a  
Phaëthonte alicui Deo consecratus. Erant enim  
ante aedes posita Deorum simulacra, 'Αντηλιοι θεοί,  
quorum teste Hesychio mentionem fecit Euripides  
in Meleagro, (vid. fragm. Mel. XXII.) et de qui-  
bus etiam in Hippolyto, vs. 73 seqq. et 101. cogi-  
tandum videtur. Itaque verba Clymenes videntur  
fuisse: — *μισῶ δὲ τοῦτ' εὐάγκαλον τόξον κρανείας*. —  
Gymnasia autem adspicere refugiebat mater quod  
in iis Phaëthon educatus erat: cf. Phoen. vs. 380  
seqq. Locus affectu omnino convenit cum Admeti  
oratione in Alcestide: (vs. 962 seqq.)

*πῶς γὰρ δόμων τῶνδ' εἰσόδους ἀνέξομαι;*

.....

ἡ μὲν γὰρ ἔνθ' ἐξολεῖ μ' ἐρημία,  
 γυναικὸς εὐνάς· εὐτ' ἂν εἰς ὧν κενάς  
 θρόνους τ', ἐν οἷσιν ἴξε, —

Sed vix me contineo quin omnia describam. Adeo me illa naturae ipsa vox, et incorrupta simplicitas in poëta delectat.

In alterum locum elegans est Musgravii coniectura, ἄλυστος pro ἀλλ' αὐτός. Neque tamen vulgata mutari velim. Pertinet, ut mihi videtur, locus, quem ut notissimum non totum apposuit Plutarchus, ad Clymenes orationem, qua, demonstrata priore Phaëthontis fortuna, fortasse etiam spe nuptiarum, et filii caritate, subito se convertibat, post haec, φίλος δὲ μοι subiiciens: ἀλλ' οὗτος ἐν φάραγγι σήπεται νέκυς. Notandum hîc est, poëtas de re absente saepe pronomine demonstrativo uti, praesertim quum eum animi motum, quo quod abest quasi oculis cernere nobis videmur, significare volunt. Sic in Troad. (vs. 966.) Helena de Deiphobo, (qui iam mortuus erat,) loquens:

βίη δ' ὁ κατὸς μ' οὗτος ἀρπάσας πότις  
 Διήφοβος ἄλοχον εἶχεν. —

Quod Latine per ecce reddi possit. cf. Androm. vs. 710. Iph. Aul. 72. Helen. 287. et iam Homerus hoc loquendi genere usus est: vid. Odyss. Δ. 26. ubi id clarissimum virum Ernestum videtur fugisse. — In eiusmodi autem orationis conversione, de quo modo dicebam, frequens usus est particulae ἀλλὰ, vel δὲ. Vid. Suppl. 1102. Med. 1039 seqq. Iph. Taur. 366 seqq. Bacch. 1309 seqq. ubi

similes sunt loci. Nam eiusmodi oppositione delectantur poëtae, qua, proposita quae fuerat meliore spe, infelicem exitum subiungunt. Egregio in hoc genere elaboratus artificio est locus Virgilii, in Aen. lib. XI. 49.

*Et nunc ille quidem spe multum captus inani  
Fors et vota facit, cumulatque altaria donis! —  
Nos iuvenem exanimum, caet.*

Ex verbis ἐν φάραγι quibus utitur Clymene verisimile fit, de quo mox disputabo, ei narratum esse a nuntio, Phaëthontis corpus in mare vel in littus praecipitatum esse. Est enim φάραγξ primum simpliciter *antrum* ut in Cycl. 668. tum omnino in montibus loca angusta et profunda significat: sic Lex. Seguer. in Anecd. Bekk. p. 463. verbum αὐλῶνες explicat: φάραγγες ἢ τόποι πλατεῖς περὶ τὰ ὄρη: lege βαθεῖς, ut est in Plut. Caes. p. 719. A: βαθεῖς καὶ ὑλώδεις αὐλῶνας. Quae loca, quum plerumque aquarum vi eo decurrentium infesta sunt, quarum mentio plerumque adiungitur, ut in Troad. vs. 452 seq. hinc dicitur etiam de locis in littore saxosis et prae fractis, quibus aestus maris absorbetur. Sic, in Iph. Taur. vs. 278, pastor φάραγγος appellat locum quem antea sic descripserat:

ἦν τις διαρρῶς κυμάτων πολλῶ σάλω  
κοιλωπὸς ἀγμός πορφυρενταὶ στέγαι.

Et sic etiam φάραγγες dicuntur in Alcmanis loco apud Apoll. in Lex. Hom. voc. κνώδαλον, ubi ex adiunctis manifestum, loca mari vicina poëtae ante oculos canenti fuisse. Locum elegantem, anti-

quissimae poëseos Lyricae monumentum, quam minus ad rem pertinet, non descripsisse poenitebit. Sic igitur videtur constituendus:

Εὐδους' ἄρέων καρφαί τε, καὶ  
φάραγγες, πρῶνές τε, καὶ  
χαράδραι • φύλα θ' ἑρπετῶν θ',  
ἅσα τρέφει μέλαινα γαῖα,

θηρῶν τ' ὀρεσκίων • γένος  
τε καὶ μελισσῶν • κνώδαλ' ἐν  
βενθέσσι πορφυρᾷ ἄλκι  
εὐδουσι, οἰωνῶν τε φύλα

ταυνοπτερίων —

Sed opportune videtur maris mentionem hīc fecisse Euripides, ut maiore cum verisimilitudine fingeret Phaëthontis corpus continuo repertum esse. Quod necesse erat ut illa mors Meropi innotesceret, et sic res ad exitum perduceretur, ad certam videlicet Phaëthontis natalium ἀναγνώρισιν: nam Clymena culpa sibi conscia de morte filii tacuisset, et chorus in Tragoedia semper *tegit commissā*. Haec igitur sic videtur poëta disposuisse. Ab ancillis, quas in fragm. Clar. II. (vel IV. Matth.) vs. 4. alloquitur Clymene, ad mare (cuius in conspectu, ut supra vidimus, regia Meropis sita erat,) missis; fortasse ad aquam hauriendam, qua opus esset propter nuptias in aedibus lustrandis: nam, ut est in Iph. Taur. vs. 1201. θάλασσα

κλίξει πάντα τ' ἀνθρώπων κακὰ: ab his igitur corpus in littore reperiri potuit: pari artificio quo in Hecuba famula similem ob causam ad mare descendens in Polydori corpus incidit. Quo corpore, ut erat fulmine tactum, fumante ad Clymenam in scenam perlato, incidit illa in magnam perturbationem, iam sibi timens, ne ex genere mortis maritus etiam causam suspicetur, et cuius culpa Phaëthon in poenas incurrerit divinas intelligat. Atque hic locum habere potuerunt verba quae ex Plutarcho, (Symp. p. 666.) ad fragm. VI. attulit Matthiaeus:

πολλοὺς γε βροντῆς πνεῦμ' ἀναιμον ὤλεσεν.

quibus, nisi forte sunt Clymenes in extrema fere fabulae parte se purgantis apud maritum, mihi videtur chorus hunc terrorem Clymenae eximere voluisse. Posui γε, pro γάρ quod metrum vitiat ab ipso Plutarcho profectum. Πνεῦμ' ἀναιμον fulminis dicitur, quoniam saepe homines ita interimit ut nulum vestigium vulneris aut sanguinis appareat: idque mihi verius videtur quam τραῦμ' ἀναιμον, quae est altera huius loci lectio, ex Theone Smyrnaeo a Matthiae commemorata; cf. Musgr. ad Soph. Phil. 1178: (Erf.) Sed si haec eo consilio quo puto dicta sunt, frustra ad Clymenam dici ex sequentibus intelligitur, quae iam in fragm. II. Claromontano habemus. Nimirum fumum fulminis indicem corpus spargere animadvertens, et mariti supervientis vocem iam audiens, ne quid ille sentiat, imperat ancillis, ut in regiam asportent corpus, quod ibi in gaza Meropis abscondat. Illis igitur sic aedes ingressis, proce-

dit in scenam Merops, puellas sine dubio Hymenaeum cantaturas ad regiam ducens: quem statim, ne quid suspicetur, excipit chorus carmine nuptiali. Nec quidquam magis tragicum, et Euripidis ingenio dignius novi, quam illud dulce et ad laetitiam compositum carmen in re tam dira interiectum. Neque tamen Regem res diu latere potest: nam redit famulus, quem ille miserat ad puellas domum introducendas, ex regia commotus: in loco enim ubi thesaurus domini servatur, inquit, per valvas fumus penetrat, et per totam domum spargitur: videat Rex ne omnia incendio corripiantur. Merops, cuius ex omnibus dictis senilis tarditas et summa securitas egregie apparent, vix tandem movetur ut videat quid sit. Itaque intrat regiam: tum vero omnia timens chorus, et in summa animi perturbatione, vel potius aestu, egregium, et rei accommodatum carmen canit, quod mox abrumpit, audito Meropis post scenam eiulatu.

Haec sunt in folio II codicis Claromontani: cuius duo primi versus, ubi loquitur Clymene de fulminis indiciis in corpore Phaëthontis, difficillimam habent explicationem: nam et vitiosissime a librario scripti videntur, et quae ille scripsit tam male habita sunt ab eo qui codicem ad aliud opus adhibuit, ut aliae literae paene evanuerint, aliae prorsus sint deletae. Ut dicas hîc valere, quod in vetere epigrammate est: *concurrîte omnes augures, haruspices*. Bekkerus quæ sibi legisse



videbatur sic in apographum retulit:

πυρος θερινος ἐν νεκροῖς θερηναυ

ζῶσα ἢ δ' ἀνίσσει ἀτμὴν ἐμφανῆ

quod fere convenit cum apogr. Hasiano, praeterquam quod in eo in fine primi versus est *θερητων*, omnibus literis, praeter primam et tertiam, ut incertis notatis. Ex quibus Hermannus haec effecit:

πυροῦσσ' Ἑριννὺς ἐν νεκροῖς θερηῶν

ζῶσ' ἢ δ' ἀνίσσ' ἀτμὴν ἐμφανῆ —

monens in fine suppleri posse *καπνῶ*. Neque tamen sic locum viro doctissimo puto placuisse: imprimis propter insolentiam formarum *πυροῦσσα* et *θερηῶν* in trimetris. Quid mihi in mentem venerit simpliciter dicam, si forte id eos qui postea codicem Claromontanum tractabunt ad veri vestigia indaganda iuvare possit. Mihi videtur Euripidem scribere potuisse:

πυρὸς τ' Ἑριννὺς ἐν νεκροῦ στέρνοις ἔτι

ζῶσ' ἢ δ' ἀνίσσ' ἀτμὴν ἐμφανῆ [ φλόγος. ]

i. e. ut opinor: *ignisque haec ultrix vis quae in mortui pectore adhuc spirat emittit vaporem manifestum fulminis indicem*. Quod bis, si quidem vere conticimus, librarius Θ pro T posuit, videtur homo graece valde indoctus tenues et adspiratas non satis sono inter se distinguere potuisse: sic in verbis *λεχέα θ' αἰλου* (vid. apogr. Has. in ed. Matth. tab. IV. vs. 28.) τ pro θ videtur scripsisse: eiusdem generis est quod *ἀγει* pro *ἀχει* scribit, (vid. tab. I. vs. 30.) et forte *διχαυ* pro *δικαυον*, tab. II. vs. 4. Aliud huius hominis perpetuum

peccatum est quod literas elidendas adscribat, ut hîc fecit in ζῶσα et ἀνέστη. Ad lectionem νεκροῦ commendandam pertinet, quod viri docti monuerunt, I et Y saepe in codice distingui non posse. Quod ad sensum attinet, mihi videtur Clymene recte dicere posse πυρὸς ἐρανὺς pro πυρὸς βία, quoniam hoc igne vindicata erat culpa, qua, spretis viri monitis, filii mortem maturaverat: ἔτι ζῶσα dicitur ut in Bacch. vs. 8. ἔτι πυρὸς ζῶσαν φλόγα. Denique φλόξ absolute etiam fulmen significat in Alc. vs. 4, ubi est στέρνωσιν ἐμβάλων φλόγα. Nam solent poëtae, ubi de fulmine percussis sermo illis est, στέρνα commemorare. Sic de ipso Phaëthonte Apoll. Rhod. IV. 497.

ἔνθα ποτ' αἰθαλόεντι τυπεῖς πρὸς στέρνα κεραυνῷ  
ἡμιδαῆς Φαέθων πέσεν ἄρματος ἡελίοιο.

et de Aiakis Oilei interitu Virgilius, (Aen. I. 44.)

*Illum exspirantem transfixo pectore flammās*

*Turbine corripuit* —

ubi quidam perperam legerunt *corpore*, vel *tempore*.

In eadem oratione Clymenes, vs. 6 seq. quum in ed. Herm. legatur:

ἔθ' ὡς πόσις μοι πλησίον γαμηλίου  
μολπὰς αὐτεῖ, παρθένους ἡγούμενος.

miratur Matthiaeus Meropem patrem hymenaeum canere. Vide igitur an scripserit Euripides, quod a scriptura apographi Has. non multum discedit: μολπὰς ἀνάπτει, i. e. ἐγείρει, *ciet*: vid. Hesych. in voc. quomodo etiam Latini utuntur verbo *incen-*

do: vid. Heyn. ad Virg. Aen. X. 895. Et sic γέν φλέγουσα videtur dixisse in Andromeda Euripides: (ap. Aristoph. Thesm. vs. 1041.)

Paulo post sunt versus eo memorabiles quod insigni varietate lectionis scribuntur a Macrobio, Sat. I. 17. et a Schol. ad Orest. vs. 1373. (Matth.) In codice enim Claromontano, ut Bekkerus legit, Clymenae oratio sic clauditur:

ὦ καλλιφεγγές ἦλιε, ὥς μ' ἀπώλεσας  
καὶ τόνδε. ἀπόλλων δ' ἐν βροτοῖς ἑρθὲς καλεῖ,  
ὅστις τὰ σιγῶντ' ὀνόματ' οἶδε θαυμένων.

Macrobius habet:

ὦ χρυσοφεγγές Ἡλί' ὥς μ. α.  
ὅθεν σ' Ἀπόλλων' ἐμφανῶς κλησεί βροτοῖς.

Scholiastes:

ὦ καλλιφεγγές Διον ὥς μ. α.  
καὶ τόνδ' Ἀπόλλων αὐτως εἰ κληΐζει βροτοῖς

Hermannus codicis lectionem sic correxit:

ὦ καλλ. ἦλι' ὥς μ. α.  
καὶ τόνδ' Ἀπόλλων δ' ἐν βροτοῖς σ' ἑρθῶς καλεῖ  
ὅστις, κ. τ. λ.

Et in verbis βροτοῖς ἑρθὲς error librarii facillime agnoscitur; sed in Ἀπόλλων, vel potius Ἀπολλων' videndum an non fideliter reddiderit lectionem ab interpolatoris manu profectam, qui ignoraverit hanc formam Atticis in usu non fuisse: vid. Forson. ad Orest. vs. 584. quod accidisse etiam videtur Macrobio, memoriter, ut opinor, versus laudanti. Nam etiam hoc mirari subit, nullum tertii versus vestigium esse apud Macrobiū et Scholiastem,

quamquam ab eorum consilio eum adlicere alienum non erat, et arctissime, uti locus in cod. Clar. scriptus est, cum reliquis cohaeret. Quaerit etiam potest an σγῶντα ὀνόματα dici possint nomina Deorum quibus obscure ipsorum vis et natura significetur, de quo Matthiaeus dubitavit, nos doctioribus relinquimus disputandum. Sed hoc auserim affirmare frigidum esse hunc exitum et paene ridiculum, post turbatissimam et terroris plenam Clymenes orationem. Itaque non sine argumento putamus, interpolatoris manum hîc grassatam esse, grammatici veteris, vel histrionis, cui quae Euripides scripserat obscura viderentur. Genuinae scripturae vestigia exstare arbitror in corruptissima Scholiastae lectione: apud quem ὤτως nasci potuit ex ὡς pro compendio scripturae habito, et pro εἰ legendum εὔ: ita haec fere in Euripide fuerint:

ὦ καλλιφεγγὲς ἥλι' ὡς μ' ἀπώλεσας !

καὶ τόνδ'! — Ἀπόλλων ὡς σὺ γ' εὔ κληῖται βροτοῖς.

Ut quum dixerit Clymena ὡς μ' ἀπώλεσας, filium ostendat, gravius verbum quaerat, neque efficacius inveniens ad prius redeat, addatque ex interpretatione nominis ab Archilocho iam celebrata: (vid. Macr. l. c.) *Ut certe Apollo recte diceris mortalibus.* Est in Hecuba (vs. 1120) similis locus, ubi Polymestor:

Ἐκάβη με σὺν γυναιξὶν αἰχμαλωτίσεν

ἀπώλεσ' — οὐκ ἀπώλεσ' ἀλλὰ μειζόνως.

Sequitur carmen nuptiale, (fr. Clar. II. Herm.

vel IV. Matth. vs. 14 seqq.) in quo multa supersunt de quibus quaeri potest. Ita vs. 18 seqq. locus est ita editus ab Hermanno:

. . . . . σοὶ τὰδ' ἐγὼ νυμφεὶ' ὀφείλω,  
Κίπρι, θεῶν καλλίστα,  
τῷ τε μονόζυγι σῶ  
πῶλῳ, τὸν ἐν αἰθέρι κρίπτεις  
σῶν γάμων γέννασθαι.

Ubi non satis perspicio cur μονόζυγι pro νεόζυγι, quum νεόζυγιστω planissime in codice legatur, repositum sit. Videtur enim Euripides recte amoris Deo tribuisse quod proprium est amantium, quos quodcunque cupidini obstat moleste ferentes et ferocientes haud semel cum animalibus iugo nondum assuetis composuerunt poëtae. Notus est locus Propertii, (Eleg. II. 2. 11.)

*Ac veluti primo taurus detractat aratro,*

*Mox venit adsueto mollis ad arva iugo;*

*Sic primo iuvenes trepidant in amore feroces.*

quem ipsum locum ex Euripide expressum esse monuit Wytttenb. bibl. crit. part. VI. pag. 13. (vid. fragm. Aeol. XIX. Matth.) Sed etiam ὁ σαφὲς (τὰ ἐρωτικὰ) Ovidius fecit quod hīc Euripides, amorem sibi fingens ut πῶλον νεόζυγα, in art. am. I. vs. 8 seqq.

. . . . . *Automedon dicar Amoris ego.*

*Ille quidem ferus est, et qui mihi saepe repugnet*

*Sed puer est; aetas mollis et apta regi.*

Porro verbum κρίπτεις habet in quo offendere possumus, et minime convenit cum scriptura codicis,

In quo leguntur literae ΔΑΥΩΝ: non tamen omnino Euripidi abiudicem; potest enim dici, poëtam cogitasse Amorem a Venere in nubibus quasi in insidiis collocari: quamquam sic aptius erit κλέπτεις quod Bakio placebat. Nam apud Homerum quidem, quantum memini, semper αἰθήρ est illud *sublime candens*, ut Ennianis verbis utar, quod sereno coelo videmus; sed recentiores poëtae hoc verbo abutuntur ut simpliciter aërem, etiam in quo sunt nubes, significant. Hinc dicuntur apud illos αἰθέρος πτύχαι, (in quibus Helena sedere dicitur in Orest. vs. 1665.) αἰθέρος εἶδωλον, (Phoen. 1584.) et similia. Vide tamen an Euripides scripserit, quod a codicis scriptura fere non discedit: ἐν ἐν αἰθέρ' ἰαίεις, vel sine elisione, i in ἰαίεις pro consonante habita, de quo vid. Herm. El. doct. matr. p. 55. accipio autem ἰαίεις pro κομιζείς: vid. loca in Indice Euripideo citt. Ita Δ paulo insolentius scriptum erit A quod postea librarius repetivit: nam terminationes ων et εις etiam aliis locis in his fragm. confunduntur. — Sequuntur in carmine haec:

ὦ τὸν μέγαν  
τὰςδε πόλεις βασιλῆ νυμφεύετε,  
ἀστερωποῖσιν ὄμοισι χρυσέαις  
ἄρχον, φίλον Ἀφροδίτῃ

In quibus illud displicet, orationem ad solam Venerem institutam continuari per verbum νυμφεύετε: tum in eadem oratione de Venere in tertia persona ut aiunt loqui chorum, quasi haec dicat: ὦ

Ἀφροδίτα — νυμφεύετε — ἀρχὸν φίλον Ἀφροδίτα. Vital  
hoc potest si sic legimus :

σὺ τὸν μέγαν

τάςδε πόλεως βασιλῆ νυμφεύσεις, (vel νυμφεῖς ὦ)

ἀστερωπαῖσιν ὁμοιοι χρυσῇ

ἀρχὸν φίλον Ἀφροδίτα.

In codice totidem literis est *χρυσειν*, ubi N mihi nihil aliud videtur quam littera H a librario temere repetita : vide simile peccatum in apogr. Has. tab. IV. vs. 6. Verbi *νυμφεύετε*, uti edidit Herm., extremi ductus vix possunt legi in codice. Bekkerus legebat *νυμφεύεται*, sed in apogr. Has. syllaba *ται* pene obliterata est, ut mihi videatur *ω* esse potuisse. Facilius fortasse esset de hoc loco sententiam dicere, si verbi in strophā positi, cui hoc respondet, certa esset scriptura; sed ibi editum quidem est,

τὰν Διὸς οὐρανίαν αἰδομεν,

verum in apogr. Has. non est *αἰδομεν* sed EIAOMEN, ut aliud quid ibi possit latere: forte *εἰδοίμην*, i. e. non modo *videam*, sed *praesentis numen sentiam*. Cuius verbi in eadem significatione aliud exemplum videtur esse apud Theogn. vs. 12. ubi, pro vulg. *εἶσατο*, in optimo et antiquissimo codice Mutinensi Bekkerus invenit *εἶσατο*, etiam glossa adscripta *cognovit*. In verbis autem *ἀστερωπαῖσι ὁμοιοι*, quod me Bakius monuit, chorus obscure votum significat, Phaëthontem, cuius mortem non ignorat, in coelum receptum esse. Neque tamen praetermittendum in cod. non esse APXON sed

APXEON: quod si quid est, fortasse legi debet, reliquis ut emendare volumus servatis:

. . . . . χρυσή

ἄστρον φίλον Ἀφροδίτα.

Ut a verbis σὺ τὸν, oratio ad Hesperum convertatur isque dicatur βασιλῆ νυμφεύσειν, quod eius ortu Regi licebit sponsam in thalamum abducere. Cuius generis orationis exempla sunt in poëtis utriusque linguae, Sapphone, fr. XXII. Wolf. et Catullo in celebrato illo epithalamio. Nota autem est ex Virgilio, Aen. VIII. 590., stella

*Quam Venus ante alios astrorum diligit ignes.*

Versu 27 denique, in eodem carmine, editur:

ὦ μάκαρ, ὦ βασιλέως μείζων ἔτ' ὀλβον,

ὅς θεῶν κηδεύσεις.

quae Hermannus eruit ex Bekkeri, qui solus hunc locum describere tentavit, lectione,

ωμκαρων βασιλεως μειζωνστολβος.

Fortasse legendum:

ὦ μάκαρ ὦ βροτέου μείζων ἔστ' ὀλβος

ex Hippol. vs. 19. — Caeterum hic est locus ex quo novimus, Phaëthontem in hac fabula Deam sibi desponsam habuisse: quae illa fuerit, quum viri doctissimi se ignorare fateantur, de eo certum quid dici posse vix sperandum est: (vid. Herm. in praef. pag 6.) sed Euripidem in eo veteris poëtae auctoritatem secutum esse ex Hesiodo suspicari licet: apud quem, (in Theog. vs. 988 seqq.) de Phaëthonte, sed Aurorae et Cephaeli filio, dicitur:



τὸν ῥα νέον, τέρεν αὐθός ἔχοντ' ἱρμιόδας ἦβης,  
 παῖδ' ἀπαλὰ φρονέοντα φιλομμευδῆς Ἀφροδίτη  
 ὥστ' ἀνερεψαμένη, καί μιν ζαθέεις ἐνὶ νηῖς  
 νηοπέλον νύχιον ποιήσατο, δαίμνα δῖον.

Quamquam ex loco carminis nuptialis de quo modo diximus, ubi verbo *νυμφεύειν* activa forma de Venerē utitur chorus, si vere ita legitur, patet, hanc quidem deam Phaëthonti in Euripide non nubsisse. Equidem, quum tam varie Phaëthontis res a poëtis traditae sint, fere inducor ut credam, quam hīc illius matrem fecerit Hesiodus Auroram, alios uxorem dixisse, idque Euripidem secutum esse. Nam de viro mortali ab Aurora in connubium recepto multiplex fuit fama poëtis, ut ex fabulis de Orionis, Cephali, et Tithoni amoribus notum est. Vid. Apollod. I. 4. III. 12. et III. 14. Eoque fortasse pertinuit quod supra in Strabonis loco legimus; Euripidem etiam Aurorae *ἱπποστάσεις* Meropis sedibus vicinas fecisse: quas *τέμενος* nomine videtur demonstrare Merops, in fragm. Clar. II. vs. 42. Herm. i. e. V. vs. 1. Matth.

Vs. 33 seqq. est oratio Meropis famulum cum mandatis ad uxorem domum mittentis: in quibus sunt etiam haec in ed. Hermannī:

γυναῖκ' ἀνωχθὶ πᾶσι τοῖς κατὰ στόμα  
 θεοῖς χορεύσαι. —

ita supplevit Bekkerus, quum in cod. tantum legatur κατὰ στ —. Et dicitur quidem θεοὺς ἔχειν ἀνὰ στόμα, ut in Electr. vs. 80. sed vere videtur disputasse Matthiaeus τοῖς κατὰ στόμα θεοῖς hīc locum esse non

posse: itaque commemorat Boissonadii supplementum κατ' ἀστέρας. Sed sine dubio scripsit Euripides:

. . . . . πᾶσι τοῖς κατὰ στέγας

θεοῖς χορεύσαι.

vid. Alc. 168. Herc. Fur. 610. Et hic locus cum illo ex Herc. Fur. est ex illis ubi θεοὶ dicuntur pro ἀγάλματα θεῶν: quo pertinet illud Horatii, Carm. IV. 4. 48. *Fana deos habuere rectos*: et dictum Siculorum apud Ciceronem, Div. in Caec. cap. 1. *Sese iam ne Deos quidem in suis urbibus, ad quos confugerent, habere, quod eorum simulacra sanctissima C. Verres ex delubris religiosissimis sustulisset.*

Huius denique fragmenti Clar. II. (V. Matth.) versus penultimus est ex iis quorum Ovidius meminit quum in rebus Phaëthontis ornandis versabatur. Chorus enim Meropis vocem filium clamantis exaudiens ait:

καλεῖ τὸν οὐ κλύοντα δυστυχῇ γένει.

Apud Ovidium, (Met. II. 341.) de Heliadibus dicitur:

*Munera dant lacrymas: et caesae pectora palmis*

*Non auditurum miseras Phaëthonta querelas*

*Nocte dieque vocant.*

Iam de exitu fabulae si quaeris, nullus mihi veterum locus cognitus est ex quo aliquid certi de ea re dicere possimus. Sed si quae praecedunt ea diligentius spectamus, et quali artificio in aliis fabulis absolvendis utatur Euripides in mentem revocamus, videmur huius ultimae Phaëthontis

partis quasi lineamenta quaedam posse ducere. Nimirum puto, factum quod Clymene tantopere verebatur, et, reperto Phaëthontis corpore, statim Meropem suspicione in uxorem percussam esse: etenim fulminis indicia Phaëthontis quoddam facinus a Diis vindicatum declarabant, et culpam Clymenes arguebat ipse locus ubi corpus absconditum lateret; de quo loco ipsa dixerat, (fragm. II. Clar. (IV. Matth.) vs. 10.) *μήν δὲ λῆθρ' ἐν σπη-  
γίῳ*: ut multa cum arte haec praetexuisse poeta videatur. Oportuit autem Meropi, qui Phaëthonem suum filium esse putaret, post huius interitum illam opinionem magis etiam quam antea fixam inherere. Quid enim, si vere Solis filius fuisset, an eunrum non rexisset? an fulmine a Iove tactus esset? Ita quum criminibus coarguta Clymene ad mortem raperetur, poetae dignum visum esse puto nodum vindice Deo, qui Clymenam absolveret, Phaëthontis genus coelo adsereret, Meropem consolaretur: commemoratis praesertim honorificis ad Eridanum Phaëthontis exsequiis, et secutis divinis honoribus; in quibus haud scio an etiam illud fuerit, quod apud Nonnum l. c. p. 990, legimus Phaëthonem in signa coelestia receptum esse: ut est de Helena in Oreste, (vs. 1716 seqq.) Has partes Soli tributas esse non puto, quem ab his excludebat eadem honesta ratio quae de Apolline affertur in Ione, vs. 1579 seq. Sed unam ex Heliadibus, vel ipsam sponsam Phaëthontis hinc locutam esse, quae cor-

pus manibus iam tenens conspiciebatur, ad Eridanum delatura: qualis et res et oratio etiam est in Rheseo, vs. 893 seqq. Et mirum ni illa absurde in Hectorem a Thracio auriga iacta convicia in mentem venerint scriptori illius dramatis quod ante oculos haberet Meropis in uxorem criminationes. Alium huius fabulae locum a scriptore Rhesei expressum esse supra notavimus.

In hac extrema fabulae parte elegans fuit versus qui, teste Athenaeo lib. XI. p. 563. D, in Phaëthonte legebatur: (vid. ap. Matth. fragm. XIII.).

..... ψυκτήρια

δένδρεα φιλαισιν ὠλέναισι δέξεται.

Quae mihi dicta videntur de amoenissimo ad Eridanum loco, ubi populi ad fluminis ripam crescentes aestuanti Phaëthontis corpori umbram et refrigerium essent praebiturae. Caeterum quamnam ex diversissimis traditionibus hoc loco secutus sit Euripides fere ignoramus: certe non multum ad hoc iuvamur Plinii loco, (Hist. Nat. XXXVII. 2.) quem, ad h. fab. fragm. p. 274, dedit Matthiaeus. Verba enim sunt: *Phaëthontis fulmine icti sorores fletu mutatas in arbores populos, lacrymis electrum omnibus annis fundere iuxta Eridanum amnem, quem Padum vocamus: et electrum appellatum, quoniam sol vocitatus sit ἤλεκτωρ, pluri mi poëtae dixere, primique, ut arbitror, Aeschylus, Philoxenus, Nicander, Euripides, Satyrus.* Nimirum quae hinc commemoravit Plinius, universa apud singulos poëtas quos nominat fuisse,

per se credibile non est; et non ita esse satis ostendunt sequentia, ubi dissensum inter eos de his ipsis rebus notat, scribens: *Diligentiores eorum Electridas insulas in mari Adriatico esse dixerunt, ad quas dilaberetur Padus*; ut locus Euripidis quem in supra scriptis respexerit Plinius possit esse ille de Heliadum lacrymis qui est in Hippol. vs. 743 seqq. In sequentibus vero apud Plinium habemus sententiam Euripidis, ut opinor ex Phaëthonte, eamque a solo Euripide prolatam; modo recte apud Plinium interpungatur: nam vulgo sic legitur: *Nam quod Aeschylus in Iberia, hoc est in Hispania, Eridanum esse dixit, eundemque appellari Rhodanum, Euripides rursus et Apollonius in Adriatico litore confluere Rhodanum et Padum, faciliorem veniam facit ignorati succini in tanta orbis ignorantia.* Legendum autem: *Aeschylus — in Hisp. Eridanum esse dixit, eundemque appellari Rhodanum Euripides rursus, et Apollonius caet.* Vides tres in Geographia errores in singulis poëtis notari: et sane illa in nominis diversitate notanda curiositas ab Euripidis ingenio ita aliena non est, ut illi non adscribenda videatur.



Haec sunt de Phaëthonte Euripideo quae colligere potui. Quam sine dubio et maiestate rerum et varietate splendidam fabulam insignem locum in

Euripidis Tragoediis tenuisse mecum ut spero senties: nam ex rebus peregrinis poeta admirabilitatem, et hominis natura maioribus sublimitatem quaesivit, seque Aeschyli ut videtur similem esse voluit: et ex vera vita, etiam domestica, tum alia expressit, tum inprimis teneros animi affectus, ostenditque quid in ea suae artis parte valeret, quae in animis audientium commovendis cernitur. Sed quo praestantius fuit opus, in quo celebrando elaboraremus, eo magis verendum est ne culpam temeritatis effugere non possimus, qui leviter fortasse et minus perite tractantes contaminaverimus argumentum, quod elegantia et vero novitate summus ingenio doctrinaque viros ad disputandum alliciat. Et mihi quidem de Phaëthonte scribenti saepe in mentem venit vereri, ne ipse tibi quasi alter quidam Phaëthon viderer, qui difficilem rem, multaeque cautionis, aggressus, multa iuveniliter miscerem. Vicit tamen ut hanc epistolam non incideremus cogitatio, si de argumento praeclaro, et quo scires me valde delectari, a te ad scribendum invitatus tacuissem, nihil futurum quod me ignaviae turpissima suspicione apud te liberaret. Praesertim quum iam dudum me exhortatus esses, ut aliquod esset monumentum illius studii, quo veteres literas, multis dissuadentibus, colere pergitur: praeclaraeque qua per aliquot annos usus sum Viri Clarissimi Bakii disciplinae. Cuius viri, quem postquam in Academiam veni, fere unicum in his literis habui doctorem, ut eius erga me hu-

manitatem, benevolentiam, multa egregiaque merita numquam satis praedicare possum, ita nomen, quod tibi gratum esse scio, tacere nec potui nec debui in hac epistola. Quae si huic viro, tibiue, praestantissime Assene, Academiae Lugduno Batavae luminibus, ita placuerit, ut de me aliquam spem concipiatis, non me poenitebit huius studii, quod tibi probari certo scio.

*Scripsi Lugduni Bat.*

*mense Januario anni MDCCCXXXII.*



## ADDENDUM.

*pag. 21. ante lin. 20. omussa sunt haec: verbum*  
*ἔχεν* sic legitur apud Soph. Phil. vs. 1100, ubi  
vid. Schol. Inter verba ἄγαν et ἔχεν item fluctuant librarii in Soph. Antig. 34. Librarius Claromontanus videtur haesitasse.





